





I.VI.N.26





SEBAST. PISSINII

Lucensis Medici atq; Patritij

DE DIABETE

DISSERTATIO

In qua eius natura accuratè describitur, & plurima tam ad eiusdem cognitionem, quàm curationem spectantia, nondum satis animaduersa discutiuntur.

ACCESSIT EIVSDEM EPISTOLA  
DE CORDIS POLYPO

*Ad Carolum Andrianum Med. ac Phil. præstan.*

EM.<sup>MO</sup> ac R.<sup>MO</sup> PRINCIPI

MARCO ANTONIO

FRANCIOTTO

S. R. E. CARD. AMPLISS.



MEDIOLANI,

Apud Impressores Archiepiscopales. M. DC. LIV.

*Ad instantiam & sumptus hered. lo: Baptiste Bidelli.*

*Baptiste Bidelli hered. lo: Baptiste Bidelli.*

SEEST 1781  
LUGGIE MEDICINE  
DE DIABETE  
DISSERTATIO  
MARCO ANTONIO  
FRANCISCO  
S. R. E. CARD. APLISSE  
MEDICINAE





EM.<sup>MO</sup> ac R.<sup>MO</sup> PRINCIPI  
MARCO ANTONIO  
FRANCIOTTO

S. R. E. CARD. AMPLISS.



Xoriente sole, non rosæ  
tantùm, ac lilia, quæ flo-  
ræ placent, pulchritudi-  
nis suæ venustatem ape-  
rire solent; sed & plan-  
tulæ, quibus natura flores invidit, qua-  
si solem salutaturæ assurgunt, foliola ex-  
plicant; & cum cęlestis veneranda syde-

ris facies illas aspexerit, aspici, & con-  
tractari gaudent, ac gestiunt. Hæc,  
quã modò Eminentia Tuæ MARCE  
ANTONI Card. Amplissime offero,  
quòd florum ornatu careat, & in horto  
nostro literario situ victa, ac quasi squa-  
lore confecta diù iacuerit; non ideo  
prorsus contemnì debet. Nam ab  
urtica, & vepribus, sub quibus illa suf-  
focabatur; quantùm quidem per me  
fieri potuit vindicata, & nominis tui  
splendore potissimùm decorata; iuri  
suo, vt spero, restituta videri poterit.  
Et verò quis non fortunatum, ac fœli-  
cì sub sydere natum existimabit, quic-  
quid sub clarissimi nominis tui pro-  
tectione natum, vel commendatum  
fuerit? Ea est tuarum Virtutum cele-  
britas, ea morum suauitas, ea vitæ in-  
tegritas, ac sanctimonia, vt omnium  
oculos in se iurè conuerterint; & ab  
eximia luce non parùm splendoris,  
quæ-



quæcunque Eminentiaæ Tuæ proxima  
fiunt indubitanter accipiant . Cala-  
mum vlteriùs iturum cohibeo ; ne cum  
dixerim, quæcunque citrà adulationis  
suspicionem à me dici possent, parum  
tamen dixisse videar . Hoc autem le-  
ue grati animi argumentum Eminentiaæ  
Tuæ dicare mihi placuit; non vt gra-  
tes referrem pro innumeris beneficijs  
in me collatis & ab Eminentia Tua ,  
& à Nicôlao heu quondam fratre, Vi-  
ro integerrimo, *& cuius vera*, Plinij ver-  
bis appositissimè vtar, *& incomparabilis*  
*inuieti animi sublimitas*, nemini non nota  
refulsit ; sed vt obseruantiaæ meæ er-  
gà Illustrissimam familiam tuam te-  
stimonium aliquod etiam ad posteros  
transmitterem ; Opto interim Eminen-  
tiaæ Tuæ felices illos dies , quos boni  
omnes eidem optant ; in quibus Illu-  
stres, ac Vniuerso Christiano Orbi pro-  
ficuos fructus afferre valeas , & hono-



res , ac dignitates , quas non semel ab  
alijs Nobilissima tua Familia accepit ,  
aliquandò alijs dispensare discat.

Lucae Cal. Maij M. DC. LIV.  
Eminentiae Tuæ

Additis. & obsequentis. Servus

*Sebastianus Pissinius .*

PHI-

# PHILOTIMVS DIDASCALICVS

Med. atq; Phil. D.

A D L E C T O R E M.

**N** *Vlla Diabetis diram compescere visa est  
Vnda sitim, effuso, dum fluit vnda sale;  
Attamen hic videas latices dulcescere salsos  
Arte noua, & rabidam longius ire sitim.  
Longius ire iubet PISSINIVS; At noua fortè  
Ex dulci eloquio, te premet inde sitis;  
Sed bibe, ne dubites, sitientes namq; iuuabis,  
Explebisq; tuam, lector Amice, sitim.*

## PETRI ANGELI MAGRINII

Lucensis Patritij.

Anagrammatismi

SEBASTIANVS PISSINIVS



PIVS, ABSTINENS, A VITIIS,  
SIBI, SVIS, NATVS SAPIENS,  
IS SANVS IPSIS SVBVENIT  
SANIS, SIVE PATIENTIBVS.

SCI-


SCIPIONIS  
BENDINELII

Lucensis Medici, ac Phil. præstan.

DECASTICON.



*Viuit iò genus humanum, stetit æthere nimbus,  
Deucalion mersum gurgite restituit.  
Sed terram super instar aqua dilabimur omnes,  
Et sapè in latices vita liquata fluit.  
Plaudite gens hominum, valet ager, restitit Vnda,  
PISSINI virtus præcauet illuviem.  
Quò valuisse magis præstat, quàm viuere, frontē  
Hoc magè PISSINI Ciuica ferta decent.  
Immò huic tot dentur vita, quot præripit Orco;  
Naufraget HISq; vacans, cymba Charontis  
AQVIS.*



De Perill.<sup>ri</sup> ac Excell.<sup>to</sup> Dño SEBASTIANO PISSINIO  
Phil: & Med: Primario Patritio Lucenfi.

ANAGRAMMATA  
SEBASTIANVS PISSINIVS LVCENSIS  
SVB ISTIS ANNIS SENSVS ÆSCVLAPII  
SEBASTIANVS PISSINIVS LVC.  
IS CIVIBVS SPES VNA SALVTIS.  
SEBASTIANVS PISSINIVS  
SAPIENS INTVS ABYSSVS

SOLIS SVBDVCTVM POST IGNEM INCÆPIT AB ARCE  
BACCARI MACIES MVNDO, SIMVL AC FEBRIS ATRA  
SEMOTVM PRIVS ET LÆTHVM LACHRYMABILE VENIT  
IAPETIDIS SCELVS, INDE VIRVM ESSET VITA PEREMPTA  
NI INSTITVISSET OPES SISTENS TVNC FVNERA PHÆBUS  
PLAVSIT APPOLLINEO NATVRA REDEMPTA LABORIS  
SED IAM NOSTRA CADENS CREBRIS LANGVORIBVS ÆTAS  
INGEMVIT SACRA FANA EPIDAVRI, CVM CITO NVMEN  
IMMISSVM ASCLEPII SCRVTASSVBE PECTORE SENSVS  
LVCÆ ANNIS ISTIS, QVOD SERVANS CORPORA LVCTV  
COCYTI, PVPPIM FALLITVACVAM IN STYGIS AMNE.  
NECTANTVR QVERCVS, CANAT ÆQVIS LAVDIBVS ORBIS  
ISTE EST CERTA ET ENIM SPES CIVIBVS VNA SALVTIS  
Eiusdēm.

# ELOGIUM

En

Æsclepij Soboles, Sapientum Coriphæus, Medicorum Archiater

SEBASTIANVS PISSINIVS,

Lucensis Patritius, Med. & Phil. Doctor.

Vir Encyclopædia ornatus

Ingenio, genere, moribus

Præclarus, Egregius, ingenuus;

Ætatis suæ

Annum agens tertium supra septuagesimum,

Artis verò

Ultrâ quinquagesimum.

Hic

A quocumque suspiciatur mortali

Ab omni celebretur Æuo;

Semper enim in omnibus

Cordatus & Idem

Semperq;

Posteritatis magis, quam proprijs prospiciens commodis

Auream, quam DE CORDIS PALPITATIONE elucubrationem

Concinnè exarauit,

Iamdudùm

In Gloriæ aream ad immortalitatis Aram

Protulit contulit;

Et quia se Delphica Stirpe satum recordatus

Genio indulgens

Ac genuinæ Urbis, & Orbis incolumitati consulens,

Hodie iterùm

DE DIABETE

Facundam Dissertationem, gemmeoq; sale facundam

DEQ; CORDIS POLYPO

Epistolam tam nouitate, quam eruditione admirandam,

Insubribus consignat Typis.

Huic igitur

Literario Apollini

Sapientiæ Cultori

Gentium Conseruatori

Vates vnanimes, ac Ciues

Debitos persequant Plausus, Pæana concinant tergemmatum.

Ac

Ac omnes certatim Terrigenæ  
 Ex sacra Lauru, triumphaliq; Quercu  
 Serta adornent ;  
 Eximium enim suæ Virtutis facinus  
 Hosce tantos iamdiu promeruit Honores,  
 Dum  
 Libitina in pestilenti tempestate bacchante  
 Lætus exturbans , exterminans lethum,  
 Non tantum  
 Suæ Reipublicæ tutandæ ergo,  
 Quam  
 Seruandæ ac Æternitati sacrandæ  
 Imminenti cladi Fatali exitio  
 Prudentia plusquàm senili, mira doctrina, ac improbo labore  
 Assiduò  
 Consuluit, & præfuit;  
 Numquam sibi impar , dum Atlanti par  
 Tantæ molis Prouinciam tot malis obrutam  
 Feliciter ac faciliiter  
 Sustinuit.  
 Quid plura ?  
 Excerptas supprimat calamus ex calamitatibus laudes.  
 Encomia reticeantur omnia,  
 Hoc vnum satis  
 Quod  
 Nomine & omine  
 SEBASTIANVS PISSINIUS  
 Nec melius, nec magis appositè possit exprimi  
 Quam  
 SIBI, SVIS NATVS SAPIENS.

Ità  
 Ἀὖτις τῇ διδασκαλικῇ σφύδρᾳ σπουδόμενος  
 Carolus Andrianus  
 P. P. P.  
 M. D. C. L I V.

Ad Perillustrem & Adm. Reuer. Dominum Iacobum Philippum Butium  
Reuiforem &c. vt videat, & referat &c.

Fr. Petrus Hyacinthus Donnellus Inquisitor Mediolani &c.

**S**ebastianus Pisinij Medici eruditissimi dissertationem de Diabete, & Epistolam de cordis Polypo ad me transmissas vidi, cumque nil contineant, quod vel religioni vel bonis moribus repugnet, sed tantum demonstrent prædictorum morborum cognitionem, ac curationem, vt publicæ salutis consulatur; ideo eisdem imprimendi facultas concedi potest à Paternitate Vestra Reuerendiss. , quam Deus O. M. pro catholicæ Reipublicæ bono diu seruet incolumem.

*Ego Iacobus Philippus Butius Doctor Collegij Ambrosiani, & Sancti Officij Reuifor ac Interpres.*

---

Imprimatur.

Fr. Petrus Hyacinthus Donnellus Magister Inquisitor Mediolani.

Io. Paulus Maruchellus pro Illustriss. & Reuerendiss. D. D. Archiepiscopo.

Comes Maioragius pro Excellentiss. Senatu.






SEBAST. PISSINII

Lucensis Med. atq; Phil.

DE DIABETE  
DISSERTATIO.



**D**IABETIS Naturam, eiusq; causas exploranti mihi, ac tam veterum, quam nouissimè scribentium sententias excutienti, non pauca se se mihi obuiam fecerunt, quæ mentem dubiam reddere, ac iudicium relinquere suspensum valuerunt; Adeò varia, atq; inconstantia de illius natura, deque causis, ab vtrisque tradita sunt. Rara quidem affectio, si Galeno, ac plerisque post illum scribentibus fides haberi debeat. Bis tantùm à se visam ille refert, oculatus testis, &

minima quæque artis per totius vitæ curriculum, diligenter rimari assuetus. At contrâ non desunt, qui haud infrequenter eandem se præ manibus habuisse, quin & curasse constanter affirmant, vt iam dubitare, iurè liceat, vel non raram esse Diabeticam affectionem, vel quàm Diabeticam esse, nonnulli sunt arbitrati, non esse Diabeticam. An verò affectionum similitudo scribentium aliquos deceperit, an potius noua quæpiam Cœli constitutio, vel victus ratio id nostris temporibus frequentius excitauerit, quod vtique rariùs superioribus accidisse visum est, is opportunè decernere poterit, qui, quæ mox subiungere animus est, accuratè prius perpendere voluerit. Est verò Diabete crudioris vrinæ cita, copiosaque excretio, non mutata prorsus absumptæ potionis qualitate, cum ingenti, atque intoleranda siti, quæ aliàs diuturno tempore, aliàs breui, vt videbimus, sic affectos tabefacere, atque iugulare solet; Verùm cum crudioris vrinæ cita, copiosaque excretio interdum & sanis, & ægrotantibus superueniat, nulla siti, ne dùm inexhausta accedente, ne ingentis mali subrepere initium quis suspicetur, atque ob id, de se, suæque valetudine desperare incipiat, non ab re existimaui nonnullas affectiones in medium afferre, quæ cum nullum de Diabetica Galeni affectione timorem Medicis incuterent, non tamen sine metu patientes esse sinebant. Ac plures quidem  
copio.

copiosioris vrinæ historias apud Doctissimum, ac diligentissimum Schenckium lector inueniet, quæ longè aliàm à descripta affectionem commostrant; quibus admirabile illud vrinæ profluuium addendum est, cuius Gabriel Fonseca primarius Vrbs Medicus mentionem facit apud Petrum Seruium de vnguento armario, *de nobili scilicet Monaco, una tantum die ultra ducentum vrinæ libras absque ulla sui mingente*. Ex nostris aliquas habet, quæ cum Diabeticam minarentur, attamen citrà Diabetem, vel diù sub incude ægros tenuerunt, vel spontè tandem opportunis auxilijs euauerunt.

Vir nobilis sexagenarius, quem calida, & humida totius corporis, & præsertim capitis intemperies fluxionibus obnoxium reddiderat, & cuius olim Genitrix, ac binæ sorores diuturna tabitudine thoracis vitio sublata fuerant, sub hyemem anni 1647. leui destillatione, à capite in thoracem correptus fuit. Paucis postea diebus sputamina crassa, viscida, ac serositate cruenta respersa visa sunt; & febris accessit, inordinata illa quidem, & symptomatica, quæ intrà paucos dies exhibitis, adhibitisque remedijs ex toto abiit; Quàmuis ab eius generis excretis nunquàm ex toto thorax liber remanserit, aluus astricta erat, vrina aliquantùm ultra consuetum profluxit, quod, & aliàs superioribus ahnis fecerat, sed paulatim ad naturalem modum, ac mensuram redijt. Sed eccè, sub veris finem

subsequentis anni, nocte quadam, quarta, vel quinta hora post assumptam cenam, præcedente totius corporis lassitudine, ac subobscuro quodam animi mœrore, repente, atq; affatim mingere cœpit, ac septem circiter horarum spatio totidem tenuis, & aquosæ urinæ libras excreuit. Parcè interim æger bibebat, quippè nullâ sitis aderat; Caput tantùm incaluisse videbatur, & leuem quendam dolorem instante paroxismo circa temporales, & gulæ musculos percipiebat; propter imum quoque ventrem, & penès laterum mollitudinem sensus quidam molestus exoriebatur, descendens cum impetu urinę speciem ægrotanti repræsentans, & vasa urinæ excernendæ dicata quodammodò distendens. Manè ad naturalem consuetumque modum redierunt urinæ subflavæ, & subruffæ, modicè crassæ, & cum sedimento laudabili, atque eâ quantitate, quæ ingestio potui optimè respondebant. Quarta dein appetente die eâdem noctis hora, urinæ iterùm reditæ sunt aquosæ, & cum prius septem librarum pondere emanassent, ad decem vsque ponderatæ fuerunt. Tum rursus intra modum coercitæ, per tres integros dies inculpatè, vt ante effluerunt, quibus exactis denuo copiosæ, & aquam prorsus referentes apparuerunt. Sex circiter mensium spatio, ex iisdem penè interuallis, urina profluxit aquea; ac deinceps non expectato tridui vel quadridui spatio, ultra Septuaginta urinæ vncias quotidie

quotidie mingere cepit, non tamen semper aquosæ; ac iam sextus agitur annus ex quo per rariora temporis intervalla taleni profundit urinam; nulla tamen siti hanc affectionem comitante.

Adolescentulam me Romæ vidisse memini, habitu gracilem, adspectu rubicundam, haud ultra vigesimum ætatis annum progressam, quæ licet parùm biberet, parùmque comederet, ad viginti tamen urinæ libras, absque vlla siti, vel febre, vel emaciatione quotidie profundeabat. Post sexagesimam diem calida, humidaque cerebri intemperie emendata Bernardini Castellani industria, qui postea Gregdrij XV. Pont. Max. valetudini præfuit, urina paulatim imminui cepit, donec tandem ad naturalem quantitatem rediret.

Insignem quoque urinæ copiam sex aut septem circiter ab hinc annis reddere consuevit Illustriss. vir Romanus Garzonius S. Iacobi Eques, non quidem per intervalla, verùm singulis diebus, ad quinq; sex, & septem nonnunquam libras. Quinquagesimum sextum ætatis annum hic agit, calida humidaq; totius corporis temperatura præditus, habitu medio inter eusarcum & gracilem, quamquam nunc paululum ad hunc inclinante; tribus iunctis vxoribus copiosam prolem suscepit. Fuit huic mater haud absimili temperie donata. At genitor de quo iam iam mihi sermo habendus est, Diabete exquisito post primum senium sublatu fuerat.

fuerat. Podagra sed non valde molesta, nec valde frequenti laborat, quo quidem tempore vrinæ quantitas imminui manifestè videtur. Per ætatem quàmuis paulò liberalius bibat minus emingit; hac tamen abeunte non admodum siticulosus remanet. Alius quotidie semel ac bis excrementa reddit, non quidem fluida, sed nec præassata vel nimium dura. Somnus, nisi quid mentem perturbare natum ex improviso vigilias afferat, illi facilis ac longus. Cæna moderato prandio minor, ab itinere longiusculo iam delassari assuevit.

Non referam hîc ingentes quas vidi vrinæ profusiones, morborum crîsibus adscribendas, tum quas post diurnas vrinæ retentiones obseruavi; qualis ea fuit quæ ad vndecimam vsq; diem Dominico Motrono accidit, quo tempore pluribus eiectis vnà cum vrina calculis conualuit. Harum namq; cum longè distent à Galeni Diabete, quem examinandum suscepi, alia prorsus ratio est. Medium quid inter criticam expulsionem, Diabeticumque affectum retinere visa est excretio quædam vrinæ, quæ ab exquisita pleuritide sanescentem, integri mensis spatio Brigidam Martiniam Nobilem Matronam cum ingenti ardore ac siti vexauit; quamq; humido cum cibo, tum potu ac fectu, in optimum statum Deo auxiliante perduxit. Hanc verò historiam eò libentius adduxi, quò Diabetis naturam causasque scrutantes non parum adiua-

adiuuare posse existimaui, vt tractatus progressu patebit. Nunc enim sermonem ad eos conuertam, quos per veros Diabeticos affectus decessisse vidi.

Alexandrum Garzonium Iuris vtriusque peritissimum, æquè ac nobilissimum tota ciuitas per plures annos Diabeticum nouit. Ingentem vrinæ copiam mingeat, aquæ purissimæ instar, ac siti præmebatur inexplebili quamquam abundè biberet. At febre interim nulla detinebatur. Hic cum iam Diabeticus esset pro Lucensi Republica ad Matthiam Imperatorem Legatus in Germaniam missus, de poculorum magnitudine ac frequentia cum Germanis decertans, omnes bibendo vicit, eiusq; Nationis beneuolentiam ea de causa sibi mirum in modum conciliauit; cum tamen illi ignorarent non bibendi voluptate, sed naturæ iam vltra sanitatis limites abeuntis necessitate, grandiores illum calices exicasse.

Vannella Moriconia prudentissima ac nobilissima mulier cum diù Diabete laborasset, ac dira bibendi cupidinè vexata esset, deficientibus tandem viribus, ac nulla accedente febre, vel illa quidem imperceptibili è vita decessit.

Domitilla Arnulphinia nobilissima adolescentula quàmuis haud sine febre, eaque ingenti diem suum clausit, per plures tamen antea menses vitæ munia, quæ per sanitatem exercere solita fuerat, etiam Diabetica obire non destitit.

Bene-



Benedictus Matraria Mercator industrius cum per plures annos iam Diabete infestaretur; (nam cum ingenti siti duodecim, & quindecim vrinæ libras intra viginti quatuor horarum spatium redderet) phthisi vera, atque exquisita superueniente obiit.

Bernardinus Orsettus, quæ familia inter nobiles adscripta est, cum per triennium & ultra Diabeti fuisset obnoxius, siti inexplebili, & vrinarum multitudine confectatus, decumbere tandem coactus est, atque accedente febre acuta decimaquarta die inter viuos esse desijt.

Magdalena Mansi nobilissima Matrona Diabete correpta, per plures ante obitum menses vrinam copiosam, atque aquam omnino referentem emittebat, nulla interim febre detenta; sed siticulosa ultra modum erat, ac per duos tresuè dies ante obitum leuiter febricitare visa est. Quod & Petro Sandonninio viro Patritio contigit, qui cum aliòqui sanus videretur, ac nihilominus aqueam prorsus vrinam excerneret; deficientibus sensim viribus, animalibus præsertim, tridui tantum vel quadridui spatio decumbens absque vllò dolore extinctus est. Quam quidè sortem subire coacta est Angela Baronia nobilis mulier, quæ vix vnica decubuit diè, licèt vrinæ quantitas adeo prodigiosa esset, vt robustissimam quamq; debilitare ac perdere valeret. Prætereo non paucas mulieres quæ cum



cum intolerandam sitim assidua potus ingurgitatione, ne vel tantillum moderari potuerint, copiosa superueniente mictione, si non in exquisitum Diabetem, ac saltem in affectionem Diabeti proximam inciderunt, ac marcere torrido sublatae fuerunt antequam ad exactam cruditatem urinae peruenissent. Sitis porro inexplebilis abundantiorisq; mictionis causam, quae Diabeticos comitatur *sexto de loc. aff.* abundè adedè atq; appositè, ex suis placitis Galenus prosequutus est, ut non parum, dum Horatij Augenij epistolas lecitarem, admiratus fuerim Augenium ipsum scripsisse in causa Diabetis inuestiganda Galenum, quem tantopere laudibus aliàs extollere consuevit, negligentem fuisse. Non defuerunt eo tempore quae mihi pro Galeni defensione in mentem venerunt. Quae quoddà maxime ad Diabetis naturam, qualis utiq; à Galeno describitur intelligendam conferre existimem, nunc in medium afferre minimè grauabor. Fortè enim affectus huius naturam, cuius origo vel palmaribus Medicis non bene perspecta vel explicata fuit; luculenta ac paulo toleriore indagine hîc explicari Studiosus Iuuenis haud indignabitur, atq; aliquid fortasse inueniet, quod morbi vel symptomatis infrequentioris naturam sedulò inuestiganti satisfaciet, ac praesertim ubi exquisitiore trutina ipsius Galeni placita fuerint examinata. Praestat verò Augenij verba adscribere nè

legentibus fucum facere velle videar, vel Augenio quicquam calumniosè imponere. Negligentem fuisse Galenum (hæc ipsa sunt Augenij verba ex epist. 21. Tomi 2.) in causa Diabetis inuestiganda, ea manifestum faciunt, quæ sexto de loc. aff. c. 3. scribit. nam affectus causam esse imbecillitatem in renibus contrariæ facultatis retentricis atque alteratricis. Verum cum solet hoc contingere à quacunque intemperie (nam actus propriæ virtutis impediri potest à quacunque intemperie, de frequenter scriptum maxime 3. aphorismorum), dum ita scribit, nihil omnino docere videtur, cum nondum constet particularis causa imbecillitatis; admirorque plurimum cur ita indistinctè loquutus fuerit, cum idem author soleat eos deridere, qui dicunt causam læsæ cuiuspiam operationis esse imbecillitatem, ac profiteatur eos nihil docere. Hæc sunt quæ Augenius contumeliosè in Galenum euomit; quæ tamen Augenius ipse ex libro 2. epistolarum Victoris Trincavelij mutuatus est, qui totidem penè verbis eadem prius, sed paulò modestius, legentibus obiecerat. Sed ab Augenio Galenus pluribus de causis iniuriâ accusatur. Primum quia non erat is locus in quo de symptomatum morborumque causis Galeno esset agendum; quod Augenium præterisse non debuerat; non tantum quoniam tractatio de locis affectis causarum tractationem non includit (pollicitus enim fuerat Galenus sub ipsius operis initium se dumtaxat explicaturum, quomodo affectus particulæ di-  
 gnosci

gnosci possent) sed quoniam hoc eodem sexto libro id apertè restatum voluit sub hac verborum serie: *Nunc autem sermo nobis est non de causis, quæ morbos efficiunt, sed de laborantibus locis qui & tactus & visus iudicium effugium; sed quoniam ad exactam illorum notitiam nonnunquam etiam aliquid de ipsis affectibus dicere coactus sum, idcirco causarum quoque ipsos efficientium mentio facta est.* Equum igitur fuerat Augenium priùs ad Galeni institutum respicere, ac deinde saniozem de eius viri diligentia ac solertia ferre sententiam. Deinde si his qui supra modum sitiunt, ac subinde bibunt, atq; exuberantèr quod biberunt à sua qualitate minimè mutatum reddunt, quæ est Diabetis natura, renes oblaesos esse probabili oratione Galenus deducit; profectò muneris sui oblitus esse non videtur, aut negligentia accusandus; sed valdè laudandus quòd locum in Diabete male affectum subtiliter indagauerit, atq; optimè assequutus fuerit. Imò quemadmodum haud infrequens fuit Galeno in rebus paulò difficilioribus addiscentes exercere, id etiam hoc loco obseruare voluit; atq; ex abundanti prolixius circa affectionis naturam eiusque causas digredi. Nam non solum renes malè affectos esse statuit in Diabete, sed eosdem quoq; imbecillitate laborare ostendit; siquidem aliarum omnium, quæ ante renes posita sunt, partium imbecillitatem ad efficiendum Diabetem non esse idoneam colligit.

Neq; imbecillitatis tantum meminisse voluit, sed cuius nam facultatis imbecillitas esset, diligentissimus rerum inuestigator adiunxit; retentricem scilicet ipsam debilem esse pronuncians. Quin affectum non simpliciter ex retentricis imbecillitate prodire animaduertens, vitiatam quoq; esse facultatem attractricem apposuit, atq; proprium munus expultricem coactam exercere; retentricem quidem exemplo lienteriae appposito oblaesam ostendens; attractricem vero caninae vocatae appetentiae. Quid itaque reliquum fuerat nisi ut quilibet addiscentium, supposita renum imbecillitate, postea perquireret quanam esset eius imbecillitatis causa? Quod tamen à Galeno duplici de causa praetermissum fuit. Primum quoniam in libris de sympt. causis prolixè admodum docuerat, per quas intemperies vnaquæq; naturalium facultatum in singulis partibus ledatur. Deinde vero etiam quoniam eiusmodi speculatio adeò facilis est, ut vel tyronibus ipsis aperta sit, ac praesertim cum ipse idem Galenus in hac eadem de loc. aff. lucubratione saepius admonuerit imbecillitatem cuiuslibet intemperiei comitem esse, & propria cuiuslibet signa causam imbecillitatis ostendere. Quod libro etiam 5. exemplo docuit, dum iecinoris imbecillitatem modò ex calida intemperie, modò ex frigida prodire scripsit. Signa autem quibus utraq; dignosceretur intemperies eò loci recensuit, quæ  
tamen

tamen hîc in pertractandâ Diabetis natura volens omisit. Neminem namq; iudicij adeo expertem, aut adedò parum in artis operibus exercitatum inueniri vnquam posse persuasum habuit, qui caliditatis effectus îplis oculis intuens ex frigida intemperie affectum proficisci arbitraretur, aut ex calida vbi excedentis frigiditatis apparerent indicia. Sed estò, prætermiserit Galenus accuratam causæ Diabetem efficientis inuestigationem, nonne quomodo à calumnia Galenum vindicemus ipse Augenius ostendit? Nam postquam Diabeti caliditatis indicia omnia Augenius adscripsit, hæc subiunxit. *Hæc si vera sunt, quis de causa ambigeret? quis arbitraretur fieri hæc posse à frigida intemperie?* At inquam ego, si non licet ambigere, ergo Galenus docuisset id quod nemo ignorat. Si igitur id quod nemo ignorat Galenus prætermisit, nequaquam videtur negligentiae accusandus. Iam si quæ de Diabete Augenius scripsit ad examen reuocare velimus, plura Galenum & ad rem magis facientia, quàm Augenium dixisse comperiemus. Nam cum in hoc præcipuè Galenus laborauerit vt ostenderet locum in Diabete præuè affectum esse renes; sic Augenius qui causam Diabetis exactius inuestigare se velle pollicitus fuerat, qua demum affectione renes laborarent non supponere tantum, sed in primis diligentius perquirere debuerat; deinde causas à Galeno prætermittas vel indistinctè prolatas adiun-

adiungere. Verùm cùm Diabetem in medium afferat cui sitis inexhausta sit comes, linguæ ariditas magna, calor in visceribus vltra modum excedens, vigilæ intensæ, colliquatio totius corporis breui contingens, & facies qualis sub prognostici initium ab Hippocrate describitur, putauit se satis dixisse, ac subtiliter excogitasse affectionem ab intemperie calida & sicca proficisci; quod quidem satis superq; vel plebeio cuique notum esse poterat. At Galenus vlteriùs procedens, atque intimiùs prospiciens, ad immediatas causas tandem peruénit, quas Augenius ipse reprehendere non est ausus, sed vt rectè atq; artificiosè inuentas ita comprobauit, vt nihil immutare vel addere præter solam caliditatem (quæ tamen non semper in Diabete adesse experienciâ conuincitur) sua subtiliori, ac solertiori indagine potuerit. Illud tamen quod subiunxit *Nonnullis scilicet febrem, eamq; effatu dignam adesse* silentio non est inuolendum; mihi quidem nemo facillè persuadebit, sub ea signorum syndrome quam Augenius recensuit febrem effatu dignam non adesse. Quòd si citrà febrem, non tamen sine ingenti calore talem in omni Diabete syndromen apparere voluit; at Diabetem opponam qui prorsus absquè vlla febre, vel excedentis caliditatis suspicione ægrotantes adoritur. Ergo qui sensim, solo sitis importunæ sensu, vrinæ multitudine, fractisq; viribus inter viuos

viuos esse desierunt, Diabete non laborarunt? In his præterea cum facies vt in alijs Diabeticis ad Hippocraticam vergere visa sit, cur potius caliditatis excedentis opera id accidisse, quàm ob immoderatam euacuationem contigisse dicemus? certè si Augenius diuturnas Diabeticorum affectiones vidisset (vidit autem quoniam licet loco citato Diabeticam affectionem, eamq; acutam afferat, de diuturna tamen alibi mentionem facit, vt *epist. 3. libri 12. Tomi 1.* atq; indistinctè, quoddam vitij genus Galeno obijcit, de vtraque sermonem habet) neutiquàm in admirationem deuenisset, & de Galeni negligentia conquestus fuisset, quoddam inter Diabetis causas non etiam ingentis renum caliditatis meminisset. Sed quis præterea audebit affirmare per antedictam syndromen renum potius culpâ, quàm aliarum partium vitio Diabetem oriri? Inde quidem ab ingenti vel cum ingenti calore Diabetem fieri (de acuta loquor) Augenio consequens erat deducere; at verò non minus aliarum partium vitio, quàm renum. Etenim vbi Diabeti febris iungitur, adhuc quærere licebat an tunc aliqua quædam Diabetis species, ab ea quæ absq; febre fit habenda esset; an potius nouæ cuidam affectioni Diabetes ipse iungeretur. Galenus quidem qui in describendis hepaticis adeò diligens fuit, vt etiam meminisset febris quæ ob exilitatem Medicorum plurimis sæpè latuit, nequaquam omisisset exponenda



ponenda Diabetis natura febrem, vel saltem excedentem caliditatem, si eo pacto Diabetis propria hæc essent; quo sitis ingens, urinæ frequens atq; copiosa excretio, eiusq; integra cruditas; hoc enim iam non esset circa Diabetis causas, sed circa proprias differentias quibus affectus natura constituitur, negligentem esse. Quare tutius atq; ex arte visum Galeno potius est, Diabetis causas in ipsorum renum deprauatas functiones reijcere, quàm ab ipsa caliditate, quæ sæpe Diabeticis negotium facere minimè videtur, Diabetis indicia causasque depromere; nam etsi caliditas ingens statueretur pro Diabetis causa, ea tamen remotior esset quàm facultatum deprauatio inde oriunda. Vnde licet inter causas Diabetis non enumerauerit insignem caliditatem, non ob id tanti criminis reus habendus erat, vt Augenius iure dixisse potuerit, se nihil habere, quod pro Galeni defensione in medium afferret: attamen veluti miseratione motus nonnulla pro illius defensione excogitauit. Galenum nempè semel Diabetem vidisse, idèd; si paulò negligentius eius symptomatis causam excusserit, excusandum esse; atqui iniquum omnino videtur, existimare Galenum adèd rudem, & naturalium rerum adèd imperitum extitisse, qui affectus bis non semel à se visi rationem saltem probabilem haud inuenire potuerit. Excusatio itaque quàm pro Galeno Augenius excogitauit ea est, qua  
se



se defendi Galenus nolit, quamquam nullo pacto admittat. Nam tantum abest ut negligentiam Diabetis causas examinaverit, utpote affectionis raro euenientis ac semel à se visæ, quin potius eius naturam, causasq; immediatas tradiderit, ac locum in Diabete malè affectum, quod illius præcipuum fuerat institutum, rectè ac intuentium penè oculis inspiciendum monstrauerit. Sed Augenius cum *•λαγνυία* laboraret, non minus in Galenum quàm in Aretæum iniurius fuit; hunc quidem mendacij, illum negligentiae accusans. Quare si quis paulò asperius in illum distrinxerit calamum, eò minùs audaciæ accusandus erit, quò ille in alios dicere nonnunquam paratior esse consuevit. Verùm & hoc quidem Augenio condonandum esse non nemo consentiet, quoniam aliàs Galeni doctrinæ maximè addictus fuit, eamq; doctissimis elucubrationibus illustrare conatus est.

Sed iam satìs contra Augenium pro Galeno dimicatum est. Nunc ut Diabetis naturam qualis ab ipso Galeno describitur, & in quo ab Aretæi Diabete differat, exactius teneamus, nonnulla priùs inspicere oportet, quæ non parum ad illius notitiam facere videntur. Ne verò cogar totam de Diabete narrationem adscribere quam *6. de loc. aff.* habuit, ea tantum referre placet quæ sub tertij cap. calcem his verbis concludit. *Torrò Diabetes proprius renum affectus est, qui canine in ore ventriculi*

*cupiditati proportionē respondet, accedente præterea retentricis facultatis imbecillitate. Nam si citra vehementem cupiditatem ipsum fieri diceremus, in primis nihil penè urine, quod consideratione dignum esset, ad renes peruenire notarètur: si verò citra retentricis imbecillitatem, non tanta celeritate sequeretur urine profluuium. Quæ hîc breuiter dicuntur, fusa priùs oratione probauerat, vt quiuus ex eadem narratione percipere potest; ex qua illud primum disquirendum videtur, quid Galenus per imbecillitatem retentricis facultatis intelligat. Est verò imbecillitas cuiusuis facultatis seu partium, quæ illi subseruiunt, robur effractum, vt actionem quam priùs edere validam & secundum naturæ leges consueuerant, ignauius atque imperfectius præstare cogantur. Hæc non tantùm partibus similibus, verùm etiam instrumentalibus accidit, modò has modò illas oblædens, frequentius autem vtrisque simul communis; vt simularium propria ab immutato illarum temperamento proficiscitur. Verùm mutationis vel alterationis modus imbecillitatis conditionem decernit; non enim semper intemperata pars, cum intemperie laborare incipit, simpliciter & absolutè imbecilla dicenda est. Quippe ad inducendam huius generis imbecillitatem non leuis aut *ὀλιγοχρεία*, idest brevis temporis intemperies requiritur; nisi ex violenta vel venenata causa pendeat, per quam subito non solum partium temperamentum destruitur,*

struitur, & in alienationem definit, sed & ipsa partium substantia corrumpitur; tunc enim natura suo calore & spiritu destituta languet, & iam aliqua ex facultatibus expugnata est. Quæ verò non simpliciter atq; absolutè imbecillitas est, ea comparatione tantum ad materiam intelligitur. Notior hæc atq; frequentior, ac diutius resistere consuevit, & materiam grauante non rarè transmissione vel totam confertim, vel per vices expellit. duplicis imbecillitatis renum eodem *6. de loc. aff.* Galenus meminit. Prioris quidem antequam ad tractationem Diabetis accedat; quando scilicet sanguineam serositatem ob renum imbecillitatem vrinæ misceri scribit; cuius causam intemperiem esse statuit, vel nimiam dilatationem osculorum per quæ è vena caua serositas in renes excolatur. Posterioris quæ ad materiam grauante refertur, dum de Diabete pertractat. Iam si quæras quid per imbecillitatem retentricis facultatis renum in Diabete Galenus intelligat, respondebo non illam renes pati quæ ex intemperie prouenit, sed quæ ad materiam comparatur; clariùs dicam, nullam aliam imbecillitatem retentricis facultatis eò loci attendendam esse, quàm quæ immoderati ponderis ratione proficiscitur. Quod si quis Galeni verba haud oscitanter ponderet, non tantùm hanc innuere sententiam, sed eandem apertè pronunciare perspiciet. Renes namque vrinam continere non

posse dum scribit, eò quia ab attractionis impetu grauantur, apertè demonstrat imbecillitatem de qua loquitur non ab vlla intemperie prodire; sed solius ponderis ratione id contingere; ac ne dubitationi locus superesset Seleucidæ aues in exemplum adduxit, quæ cum locustis vescantur, easq; statim per aluum excernant (non vomitu reijciant vt Trincauellius putauit) nullo remanente in illis retentricis facultatis impedimento, ex obiecto tantùm viribus impari prouenire hanc retentricis imbecillitatem manifestum faciunt. Nec obstant quæ idem Galenus 1. *de crisibus* cap. 12. scripsit, dum per transennam comparando Diabetem lienterix paruifacere videtur imbecillitatem retentricis facultatis respectu ponderis, eò quia non videatur adæquata causa Diabetis. Galeni igitur verba, vt omnis de medio difficultas tollatur, diligenter expendenda sunt, quæ sic habent. *Quæ verò* (de vrina loquitur) *ad summum incocta est, has omnes, malitia, vincit, est autem aquosa exquisitè, neq; iam concoqui incipiens qualis turbulenta, neq; in spe de coqui debeat, sed veluti desperatæ coctionis accedens; quæ talis est venosi generis passio existit, qualis est in ventriculo extrema ipsa cruditas, cum verò statim transcurrat vocatur ab aliquibus Diabete, hæc enim passio talis est qualis circa aluum leuitas intestinorum, extinctio, vt diceret quispiam, virtutis retentricis atq; alteratricis. Quisquis igitur in hunc Galeni locum inciderit, absolutam atq;*

extre-

extremam retentricis facultatis imbecillitatem in Diabete reperiri fortasse suspicabitur, mortua, nempe vel quasi mortua ipsa facultate. Verum cum exempla altero quidem pede currere videantur, altero verò sæpe claudicare deprehendantur, si quis varios lienterix status, variasque causas, ac diuersa morbi tempora ad examen reuocauerit, comparatio hæc inter Diabetem ac lienteriam, quam vim habeat, non difficulter assequetur; non enim omnis lienteria desperata coctione fit, nec mortua vel quasi mortua retentrice facultate; quandoquidem nonnunquam, & ipsi lienterici sanitati restitui videntur, cum verò aliquando restitui videantur, non erit de necessitate in lienteria extremam imbecillitatem reperiri & per consequens non aderit in Diabete; sed tantum respectiua quæ ponderis ratione proficiscitur; appositè Aetius, qui non absulse Diabetem lienterix comparat, sed quibusdam lienterijs, atq; ijs quæ caninx vocatæ appetentix comites sunt, vt Galenus voluit. nam quæ sine canina appetentia fiunt, fortè ob retentricem ab aliqua intemperie imbecillam non solius ponderis ratione fiunt. Quod idem Galenus implicitè significasse videtur comm. 1. in 6. aphorismorum sectionem cum dixit. *Si veteres sciuisent veram lienterix causam, vice eius quam attulerunt, totius Ventriculi atq; intestinorum imbecillitatem in causa posuissent, ob quam hæ partes corporis grauatur à cibis assumptis*



*sumptis ipsos confertim excernunt, grauari itaq; à cibis non ob aliam rationem quàm ob illorum pondus virtuti impar contingit, quod explicitè confirmat 6. de loc. aff. cap. 1. sub finem his verbis: Sunt quoq; alia accidentia que quidem haud absurde & intestinis & Ventriculo simul affectis euenire creduntur, vt quas lienterias & cæliacas dispositiones nominant, cum videlicet materie nequaquam mordaces sunt, cum itaq; retentrix vis aliquando in lienteria ad excernendum moueatur à materia non mordaci, superest vt ob eiusdem pondus moueatur. Hæ namque communes & consuetæ sunt læsæ virtutis retentricis atq; expultricis causæ. Sed præter hæc cum idem Galenus ex Hipp. mente in comm. prædicti aphorismi discrimen admittat inter longam idest diuturnam lienteriam, & breuem atq; acutam, quomodo non indistinctè loquutus dici poterit 1. de crisi- bus, dum dixit in lienteria adesse vtriusq; virtutis, alteratricis nempe atq; retentricis extinctionem, vel quasi extinctionem? præsertim cum non omnes lienterici intereant, sed, vt dictum est, nonnunquam sanari visi sint? sicut igitur in lienteria duplex status inuenitur, sic & in Diabete duplicem reperiri, conueniens est arbitrari, quod non nemo percipiet qui vtriusq; affectionis tempora ad inuicem comparare voluerit; in affectionis enim principio non alia aderit imbecillitas quàm quæ ex pondere desumitur; at perfecto iam morbo, atq; ad perniciem tendente,*



dente, absoluta aderit imbecillitas, & vt quispiam diceret, virtutum ipsarum extinctio. Iure igitur 6. de loc. aff. vbi ex professo atq; instituto de Diabete pertractans, retentricem ratione ponderis lasam esse docuit.

Ex ijs verò quæ superius dicta sunt de imbecillitate quæ ab intemperie ortum trahit, duo colligere possumus. Alterum quidem Galeni Diabetem non oriri, vt nonnulli putarunt, ex vasorum dilatatione; cum per imbecillitatem quæ ab intemperie provenit ora vasorum ita pateant, vt manifestè sanguis in renes vnà cum serositate præter naturam influat, nec tamen inde Diabetis origo pendeat: ex quo deduci potest ad efficiendum Diabetem vasorum laxitatem inefficacem esse; quod pluribus præterea rationibus confirmatur. Etenim cum Diabetes Galeni de quo loquimur tractione fiat, & vasorum laxitas tam illorum quæ propria renum sunt, quàm quæ ante renes posita sunt, nec immediatè, nec mediatè ad tractionem quicquam conferat, profectò neq; ad Diabetem conferre poterit: ac quod vasorum laxitas sit causa immediata tractionis renum neq; dici, neq; excogitari potest; laxitatis enim proprium est humorem non retinere, sed sinere iugiter effluere. Mediata quoq; esse nequit, siue laxitas supponatur in rehibus, siue in vasis quæ renes antecedunt; nam quæ in renibus sunt cum non rarò ex accidenti laxitatem acquirant,



rant, vt fit cum eiecto renum calculo tota quæ per plures dies retenta erat serofitas iugiter & cum impetu effunditur, id sine Diabetis periculo fieri experientia docet; quod si quis adhuc instet, atque oborta laxitate vasorum quæ in renibus sunt effluere ac deficere ipsorum renum alimentum putet, ideò noui alimenti cupiditate renes ad attrahendum incitari; is nosse debet alimentum ipsum vel orto iam Diabete, nedum ante Diabetis generationem in renibus detineri, solamq; serositatem absq; sanguinea portione in qua alimentum residet in vesicam fluere vel demitti: nec ad ipsius alimenti viciatam substantiam recurrendum est, utpotè quæ non satisfaciat renum desiderio atq; indigentiæ, & propterea renes ipsi amplius trahere cogantur; nam cum portio sanguinea non refluat, nec à renibus expellatur, atq; interim renes nutriri videantur, non poterit accusari alimenti conditio vt insufficiens, & ex consequenti vt tractionis causa; præterquamquod si supponatur laxitas in renum vasis, tantum aberit vt renes valentius trahant, quin potius solito minus trahant, cum de natura laxitatis sit tractionem impedire: etenim cum vis tractrix tunc valenter munere suo fungatur quando fibrarum reëctitudo, quibus ad attrahendum vitur, inculpata permanet, si per laxitatem debilitentur ac quasi eneruentur fibræ, inualidius proprium munus exercebunt; vnde qui sic argumetur



tetur facile ad absurdum deducetur vt confiteri cogatur eadem vasa trahere & non trahere. Si verò supponatur laxitas in vasis ante renes positis, atq; hinc laxitate mediante Diabetem fieri affirmetur, tunc Galeni rationes alioquin valde urgentes, quibus ille sufficienter probat aliarum à renibus partium imbecillitatem non posse esse adequatam Diabetis causam, corruerent prorsus, ac nullius momenti essent. Sed ad laxitatem propius. Bibacium plurimos quos ad perdenda vina natos esse Plinius per iocum scripsit, in vasorum per quæ ferositas in renes fertur laxitatem incurere certum est, vt non multò post quàm biberint, liberalius atq; confestim mingere soliti sint, at non ob id in Diabetem incidere. Laxitas itaque horum vasorum vt potest esse causa facilioris transmissionis ac transitus, & frequentioris mictionis vt Platero visum est, non tamen erit facilioris attractionis, & sic nullo modo ad inducendum Diabetem immediatè vel mediatè conferre poterit, cum ad attractionem in qua Galeni Diabetes potissimum consistit quicquam conferre nequeat; ac tandem cum Galeni Diabetes ab humorum falsedine fiat, vt inferius demonstrabo, & falsedinis proprium sit cohere atq; constringere, nulla de vasorum laxitate suspicio adesse poterit in Diabete. Contrà vasorum angustiam ad attractionem non parum conferre exemplo ex Mechanicis desumpto quisq; ex-

periri poterit. Nam si potum ex vase aliquo per angustam fistulam absorbere aggrediatur facilius sic, quàm per patensorem ac laxiorem exhauriet. Quòd si in Diabetico ad interitum tendente vberior vrinæ prouentus appareat, ac tunc ab immoderata ac iugi vrinæ fluxione vasa fieri vel facta esse laxiora quis opponat, respondebo non tractione tantum eo tempore vrinæ profluuium augeri, sed intereunte partium omnium retentrice totam quæ supererat ferositatem non alia ratione prodire quàm eâ, qua vel in mortuis aliquando excretiones fiunt quæ iam morientibus fieri inceperant. Alterum verò quòd ex imbecillitatis distinctione deducitur est, Diabetem respectu læsionis facultatis retentricis non esse affectionem penitus incurabilem: nam si tractionis violentia compescatur, sanatio in Diabete desperanda non erit. Verùm hoc ad huius affectionis prognosticum pertinet, de quo suo loco dicendum.

Hoc autem de Diabete incipiente dictum sit; nam vbi ultra principium inorbus progressus est, & ad summum incrementum peruenit, ita vt vrina omnino cruda sit, & vt scribitur *primo de crisi* veluti desperatæ coctionis, ac statim à potu transcurrat, tunc dubio procul vtriusq; virtutis retentricis nempe atq; alteratricis extinctio significatur; non enim vna tantum facultas, si morbida constitutio perduret, sed omnes tandem simul afficiuntur, quod

quod eius loci interpres Gulielmus Copus ad Galeni mentem optime assequutus est, qui virium imbecillitatem traduxit, licet in singulari τῆς δυνάμει ἀδυναμία græcus Galeni codex habeat. Quod itaque spectat ad noxam facultatis retentricis in Diabete, affectio ipsa absque caliditatis vel frigiditatis ope fieri videtur, ut ex causa illius imbecillitatis manifestè apparet, atque ex adductis à principio exemplis confirmari potest.

Sed antequam ulterius progrediar, cum facultas retentrix, ut ostensum est, tractricis culpâ imbecilla reddatur, eò quia plus hæc trahit quàm retentrix retinere queat, videndum est, an retentrix aliquo modo læsa occasionem Diabeti præbere valeat antequam vis tractrix perperam operari incipiat. Dubitandi ansam aliquis fortè ex Galeno arripiet, qui 1. de symp. causis cap. 7. sic scriptum reliquit. *Atq; una quidem caninæ appetentiæ causa est ditiosus is succus qui acidus est; altera amplior per totum corpus vacuatio, quæ vel caloris robore, vel retentricis facultatis imbecillitate fit illata.* Ex quibus inferri posse videtur ex eo quia retentrix imbecilla sit causa vacuationis, & vacuatio immoderatæ appetentiæ, & per consequens immoderatæ attractionis, idcirco oriri posse Diabeticam affectionem ab ipsius facultatis retentricis imbecillitate. Licet enim Galenus ibidem de canina appetentia quæ fit in ore ventriculi verba ex instituto faciat, οὐ μόνον τα-

men, quod expressè fatetur, & caninae renum appetentiae conuenire statuit. Verùm quomodo dubitationi respondendum sit Galenus ipse eodem capite docet. Non enim sufficit imbecillitas retentricis renum facultatis ad exhauriendam totius corporis serositatem; sed necessarium est, si ad retentricis vitium copiosa & insignis vacuatio succedere debeat, vt non vnus tantum partis vis retentrix labefacteretur, sed affectio adsit quæ iam toti corpori cõmunis sit; de qua quidem affectione eò loci loquutũ esse Galenũ, non de particulari retentricis vitio vnus tantum partis, apertè constat. Sed ne quid dubitandum supersit circa retentricis facultatis imbecillitatem, & hoc examinandum superest, cur scilicet per imbecillitatem renum absque Diabete tenuis sanguinis sanies nonnunquam mingatur, nulla verò talis per imbecillitatem retentricis in Diabete succedat excretio. Ferri autem sanguinis quamquam tenuis portionem vnã cùm serositate in renes certum est; qui mox è vasorum emulgentium propaginibus in renum substantiam roris in mòrem spargitur ad eorum alimoniam; cumq; validissima sit in Diabete vis tractrix, atq; retentrix imbecilla, quo quidem tempore, & ipsam quoq; expultricem negotium facere probabile est, ecquid temporis superesse poterit, in quo natura serositatem sanguine imbutam ita à sanguine segreget, vt aquosa prorsus, tenuissima, ac sanguine penitus

penitus expoliata prodeat? quod nec sub affectionis finem quando iam cuiusvis generis facultates extinguuntur; fieri videtur. Respondendum est Diabeticas affectiones nonnunquam diuturnas esse; aliquando autem acutissimas ac quàm citò interficientes, ut mox dicetur. Per diuturnas non aboleri ex toto vim renum, qua quod sibi familiare est usque in vitæ finem ad se alliciant, atq; à serositate segregent; intereunte interim hominē prae virium imbecillitate prius quàm vis illa pereat. Per acutissimas fortè solam sine sanguine serositatem trahi; nihil enim obstat ex eo quia tractio ob familiaritatem fiat, ideo etiam in perniciosissimo Diabete sanguineam portionem unà cum serositate trahi debere; nam præterquamquod & ipsa serositas renibus familiaris est, ubi per morbos, naturæ lex atq; ordo perueruntur, nihil non ex accidenti ac præter naturam succedere solet; non enim de more tunc renes attrahunt ut tantum attractum fruantur, sed urgentiori sine coactione etiam ut attractum solito celerius expellant. Sed ulterius eundem est, & supponendum primum naturæ institutum esse serositatem; ubi sanguinis distributioni inferuiuit, extra corpus pellere; non poterat verò pellere, nisi à renibus traheretur, ergo ut traheretur familiaris & amica illis esse debuerat. Sanguineam verò portionem unà cum serositate in renes ferri secundario accidit; quia scilicet si debuerant adesse renes

ad hauriendam serositatem, debebant quoque nutrirī; nec poterant sine sanguine. Serositatem verò ut serositas est, esse renibus amicam atq; familiarem quamvis naturæ ordinem intuentibus notum satis videri possit, experientiâ quotidiana comprobatur; nam ex eorum usu quæ serositatem in corpore adaugent, si renes validi sint, vrina statim copiosior prodit; ut hinc elicias serositatem ut serositas est, etiam sanguine spoliata renes allicere; quod si alliciunt, consequens est id familiaritatis atq; amicitiae ope fieri; id apertè per Diabetem contingere Galenus cap. de Diabete sub his verbis affirmat (*ita enim renibus quoq; accidit serosæ humiditatis cupiditas unâ cum virium imbecillitate, unde & humiditatem assatim trahere coguntur.* Trahere verò per acutissimum Diabetem serositatem absq; sanguinea portione ex eo constat, quia si tunc traheretur à renibus serositas unâ cum sanguine, cum sanorum vrina ex. gr. 24. horarum spatio ad duas circiter libras excernatur, & cum hac quantitate ea sanguinis portio in renes feratur, quæ alimentum renibus quantitate adæquatum afferat, quid sequeretur ubi intra illud temporis spatium viginti libræ effunduntur? necessarium quippe esset vel portionem sanguinis renum nutritioni imparem refluere, vel totam renibus assimilari, vel denique cum vrina excerni; quæ omnia nec fieri possunt, nec fieri videntur. Satiùs itaq; fuerit existimare acutissimo



tissimo in Diabete serositatem absq; portione sanguinea trahi; atq; eo tempore vel nullam esse renum ex attracto fruitionem, vel eam æquiuocam esse; quatenus renes serositatis præsentia voluptatem aliquam absq; nutritione capiunt. Nec minimum referre puto quod renes seroso sanguine alantur; qui si non repente, at non multò post in eodem affectu serositate spoliatur, ac proinde attractici contumax fit; utpotè crassus & ater, quemadmodum in hydropè ascitè apparere consuevit, tota aliò confluyente serositate: nec negotium facit in succenturiatis quos vocant renibus, demandata in renes subtiliori portione, atrum reperiri sanguinem; quoniam ibi longè priùs coaceruari, ac diutius retineri potuit, antequam Diabetes acutissimus oriretur, vel antequam ad summum perueniret. Aliam Galenus ipse difficultatem proposuit; quæ suismet placitis aduersari prima facie videbatur. Quomodo scilicet cum renum facultate imbecilla, vis tamen adèò valida esse queat, ut iugi validaq; attractioni sufficiat. Ut difficultati satisfaciat, Diabetem duplici præter naturam affectione constare, & ratione, & exemplo ostendere conatur. Ratione quidem quoniam nihil obstat quominus aliqua corporis pars, cui trahendi vis competit, adèò deprauetur ut solito immoderatus trahat, & per consequens ab attractione grauata id quod attractum fuit, retinere nequeat: exemplo autem,

autem, dum lienterix caninam vocatam appetentiam non raro comitem esse pronunciat. Præter hæc quæ Galenus adduxit pro huius sententiæ confirmatione, non deerant quæ eandem confirmare poterant. In primis imbecillitatem facultatis recenteris renum non adesse in Diabete propter eorundem intemperiem, sed per accidens, & quatenus organi propria est; vnde seruato temperamento renes non erunt ita imbecilli, vt aliarum facultatum ministerio non sufficiant. Verum data etiam cuiusuis generis imbecillitate, nouum non est naturam violenter agitatam, atq; coactam ad violentos motus insurgere. Sic nonnunquam in proximè morituris ad violentos frequentioresq; motus cor impellitur, quo quidem tempore cor ipsum ad summam deuenisse imbecillitatem certum est. Quod & interdum facultatis animalis actio ostendit, valentiores motus edere coacta, qui, vel viribus imbecillis, roboris speciem exhibere videntur. Quod tamen exemplum à Galeno allatum attinet, nonnulla sunt quæ vim facere videntur animo, ne facile exemplo acquiescat. Demus Galeno quem Paulus & Aetius sequuti sunt, lienteriam non raro caninæ appetentiæ copulari, non tamen inde indubitanter constat, ab vnus eiusdemq; partis vitio vtriusq; affectionis causas enasci, atq; vtramque in vna & eadem sede collocari debere. Nisi enim concurrant & prauī humores in ore ventriculi, qui  
alioquin



alioquin absq; lienteria in ventriculo sæpe redundare solent, & superficies intestinorum leuis, eiusmodi affectio ex utroq; accidente complicata nequaquam in conspectum se dabit. Sicut igitur lienteria & canina appetentia propriè accepta, & loco, & causa distant; ita par est asserere etiam ubi secundum analogiam similis affectio oritur, diuersarum partium affectiones ad earum generationem concurrere. Quid hac in re ego sentiam paucis prius suppositis nunc aperiam.

Suppono primum cum Galeno ceterisq; Medicis omnibus ad eas partes cuiusvis facultatis læsionem pertinere, à quibus per sanitatem functio illarum inculpata prodibat. Quod quidem nulla ulterius probatione indigere videtur, quando id ut dictum est, Medicorum omnium consensu manifestum sit. Suppono præterea nullas esse partes in humano corpore episodicas; sed siue actiones, siue usus illarum attentè consideres, mira arte excogitatas, fabrefactas, atq; appositas esse, pluribusq; vel functionibus, vel usibus inseruientes fateri necesse habeas; ut mirari subeat Erasistrati qui renum parenchymatis nullam esse actionem nullumq; usum, Galeno referente, credidit, vnde hanc viscerum affusionem pro re parua leuiq; habuisse visus est. Galenus contra ubicumq; natura parenchymata molita est, ipsdem actionem deberi pro certo habuit. Quod licet maiori ex parte ra-

E

tioni.

tioni consentaneum sit, inter partes tamen ex quibus totum componitur instrumentum, si quis acrius inspiciat, vnam semper peculiarem esse intelliget cui principaliter actio competit; reliquis vsum potius aliquem, commodumue, vel secundariam quampiam actionem præstantibus. Sic oculus videre dicitur, cum tamen crystallinus humor, vel sicut eruditissimus, & oculatissimus Pempus voluit, interior tunica retiformis, sit principalis visionis sedes, & cui primum videndi facultas debetur.

His sic se habentibus quæ apud neminem controuersa esse puto, serositatem trahere prius ac principaliter vasis emulgentibus quàm renibus conuenire statuo; quæ cum per sanitatem trahendæ serositati dicata sint, profectò vbi nimium, affatim, perperam, ac præter naturæ modum serositas trahitur, læsionem prius contraxisse valdè probabile est. Etenim cum ante renes vasa hæc efformata sint, ijsq; serositatem trahendi munus à natura vel ab ipso ortu iniunctum sit, quin prius illis serositatem trahere quàm renibus conueniat, dubitandum non est, ac prius quidem efformari ex ijs est quæ sensu, ac Medicorum primæ classis consensu deprehenduntur. Spermaticas enim partes ante carnosas efformari omnibus in confesso est; idq; aperte Galenus 2. *de semine*, & alibi *de usu part.* affirmat; vt hinc haud proflus absq; ratione coniicias renes

non

non uti ad attractionem vasis emulgentibus tanquam brachijs, sed ipsam trahendi vim ab emulgentibus vasis renes esse sortitos. Quod si quis obijciat partes omnes, licet id sensui minimè pateat, eodem tempore efformari vel designari; & frustra assignari vasis emulgentibus vim trahendi, antequam renes efformati sint qui quod trahendum erat exciperent; attamen trahendi potestatem prius in iplis vasis emulgentibus implantatam fuisse probabile est; non autem sic probabile est ante constitui renum parenchyma, quàm vnde illud alimentum traheret, natura providerit. Quòd si rationem quæ à prioritate temporis desumitur probabilitatem haud excedere aliquis obtrudat, aliam affero, quæ demonstrationem sapere omnino videtur. Tractio omnis in animantibus quæ vacui ratione non fiat, per proprias cuiusq; partis fibras fieri debet; at verò renum parenchymati nullæ propriæ sunt fibræ; quare renum parenchymati trahere non competit: nullas autem renum parenchymati proprias inesse fibras dissectio ipsa manifestum facit; cum solæ vasorum emulgentium fibræ earum quibus renum parenchyma caret, vicem suppleant. Cùm igitur non aliæ in renibus fibræ reperiantur quàm quæ ab emulgentibus vasis supeditantur, & nihilominus renes manifestè trahere videantur, sequitur inde tractionem vasis emulgentibus primò ac principaliter deberi; cum enim ne-

no dare queat quod non habet, trahendi vim prius emulgentibus conuenire quàm renum parenchymati ex necessitate deducitur. Quod non tantum rebus secundum naturam se habentibus patet, sed etiam per illius errata confirmatur: refert enim Schenchi<sup>us</sup> ex Iacobo Carpo aliquando visam fuisse arteriam emulgentem non ingredi renem, sed præterito rene in vterem implantari; ex quo manifestum fit ad ipsa emulgentia vasa serositatem trahendi officium pertinere, & per consequens renibus, quatenus ab emulgentibus vim recipiunt, non verò parenchymati conuenire.

Sed quid vltius rationes congero ex quibus vim serositatis tractricem ante renum functionem ad emulgentia vasa pertinere colligamus, cum ne hîc quidem sistere liceat? ac mihi quidem necessarium videtur, non tantum tractionis officium emulgentibus vasis in ipsorum exortu deberi, vbi maiorem trahendi vim respectu aliarum venarum inditam esse Gaspar Bauhinus admonet, sed & venæ cauæ atq; arteriæ magnæ conuenire antequam in hos emulgentes ramos distribuantur; nam cum non sola transmissione in hæc vasa serositatem coaceruari probabile sit, ac multò minus id ratione vacui fieri, reliquum est non tantum vasa emulgentia trahendi vim sortita esse, sed & illa quoque ex quibus hæc deriuantur, vt hinc tandem præuè affectam sedem in Diabete, si Diabetes tractione constet,

stat, e longinquo petendum esse rationi consentaneum sit. Quare si ad vrinæ celerem excretionem atq; exuberantiam te conuertas, iure cum Galeno dixeris Diabetem proprium esse retentricis renum vitium; at verò attractricis lēSIONem fateberis ad partes ante renes positas maxima ex parte referendam esse. imò sic euitabimus difficultatem quam ipse Galenus in medium attulit, & pro qua tollenda duplicis affectionis in renibus, lienterix nempe & caninæ appetentix exemplo vti coactus fuit; etenim renum retentrix pondere grauata affluentem serositatem iugiter per Diabeticam affectionem effundit, quam aliunde emulgentia vasa immoderate traxerunt. Quòd si quis adhuc insistat, atque ex Galeni placitis in vna & eadem parte retentricis atq; attractricis deprauatę causas contineri contendat, non moror; dum partis appellatione integrum accipi velit instrumentum, renes puta, quatenus ex parenchymate, vasorumq; emulgentium propaginibus constant. nam cum serositas antequam in vteretres excoletur per ipsam parenchymatis substantiam feratur, ad eandem retentricis vitium, si læsa sit ea facultas, pertinere manifestum est; vasis interim emulgentibus attractioni inferuentibus. Vasorum itaq; emulgentium vi cum renes ad trahendam serositatem vtantur, quæ est præcipua illorum ac subinde renum actio, & de qua iam satis dictum est, superest vt ob sermonis affini-

affinitatem & quatenus ad tractationem de Diabete conferre potest, nonnihil de renum usu dicamus; qui quidem non vnus sed multiplex esse videtur.

Primarius igitur renum vsus est, si Aristotelis auctoritati fides habenda sit, ad continendas & stabilendas venas; glandularum scilicet more, cum quibus, vel ipso Hipp. teste, similitudinem quandam habere prima facie videntur; nam serositatem trahere secundo & ex accidenti illis competere voluit. Quæ sanè Aristotelis sententia si superficie tenus accipiatur, tanto viro ac Philosopho indigna censeretur; nemo enim sanæ mentis mente concipere potest respectu vniuersalis Oeconomix corporis Aristotelem ignorasse trahendi serositatem, ac segregandi munus ac necessitatem ad renes præcipuè ac primo loco spectare: attamen dum renes considerat quatenus ad illorum substantiam & compositionem spectat (vnaquæque enim pars sibi primum prospicere, secundo loco ad reliquas respicere ex naturæ instituto consuevit) non ab re de renum usu deque partium tutela ex quibus integrum instrumentum componitur, rectè sensisse videtur. Hunc eundem usum Galenus agnouit qui in libris *de usu part.* ob id renum substantiam apprimè solidam & formatam esse scripsit, vt vasa emulgentia adedè ampla exciperet ac tutò firmaret, quibus quidem excipiendis vbi rarior atq; imbecillior extitisset, inepta fuisset. Nec verò de vasis tantum  
emul-

emulgentibus id accipias ubi in renes ingrediuntur; nam ob itineris breuitatem, & ob colligantiam quam cum vicinis partibus retinent, satis tuto eò usq; peruenire poterant; de iisdem quoq; intelligere debes ubi iam renes ingressa sunt, ac potissimum ubi iam per totam renum substantiam disseminantur, atq; in tenuissima veluti filamenta abeunt. Nisi enim renum substantia solidior tenues illas vasorum propagines arctè complexa esset, fieri facile poterat ut rumperentur, exederentur, aut quouis tandem modo læderentur; substerniculo igitur ac veluti quodam puluinari indiguerunt, ut non solum illarum corpus, sed & vis quoque integra seruaretur. Solida præterea esse debuit, nec multum à cordis substantia discrepans, nè immodica laxitate, qui alius à priori usus est, vrinam fusius elabi sineret. Quo quidem usu renes per Diabetem maxima ex parte priuari suspicandum est, ut suo loco dicetur, collabente scilicet atq; exicata ipsa renum substantia. Amplius oportuit densam esse renum substantiam ut tandiu in illis serositas detineretur, donec attractus vnà cum serositate sanguis renibus ipsis apponeretur. Ut igitur per labyrinthæos intestinorum anfractus solidior alimenti portio eò usq; detinetur quousq; intestina ipsa id totum exugant, quod in alimentum cedere idoneum est: sic par erat in renibus tantisper serositatem immorari, dum sibi renes alimentum apponerent.



nerent. Et quamquam nulla talis in renibus cautitas constituta sit, in qua serositas asseruetur antequam in vesicam suo munere functa detrudatur, nihilominus ex mora quam in renibus trahit dum per illorum substantiam sensim excolatur, huic vsui inferuit ne nimis cito in vesicam demittatur, atq; hoc est quod Andreas Laurentius dixit *ne fusus renes urinam labi sinerent*.

Nunc de tractricis facultatis deprauatæ causa nobis dicendum est; etenim cum ad affectæ sedis læsionem dignoscendam, cuiusnam partis imbecillitas accusanda esset, operæ pretium foret decernere; in hoc multus fuit Galenus, donec à sufficienti partium enumeratione nullius alterius partis quam renum imbecillitatem ad constituendum Diabetem sufficere ostenderet. non sic circa tractricis facultatis causam, quia non erat is locus in quo de causis habenda esset disquisitio; sed tantum supposuit affectum in renibus per Diabetem exoriri caninæ vocatæ appetentiæ similem, atq; illum ad renes pertinere, eò quia renibus tantum trahendi munus adscripsit. Siue igitur læsionis originem ab emulgentibus vasis malè affectis enasci, siue solam vim renum tractricem oblæsam esse dicamus (quod quatenus ad causæ inuestigationem attinet decernere parum nunc refert) de tractionis causa breuiter differamus. non enim affecti tantum loci, quod in libris *de loc. aff.* Galeni fuerat institutum, notitiam



notitiam quærimus; sed causarum quoq; tractationem prosequimur.

Ab excessu caloris attracticem vim renum in Diabete ad trahendum irritari atq; incitari pleriq; scribentium affirmant; At non desunt qui aliter sentiant, atq; aliud causæ genus comminiscantur; quorum authoritatem doctrina atq; autoritate insignis Fernelius sequutus videtur, qui postquam caliditatem renum in Diabete nequaquam sufficere scripsit, hæc subiunxit. *Sed hoc quàm rarissimè symptoma usu venit; vixq; ullus deprehensus est qui copiosæ emissionis non aliam intus causam haberet.* Verum nè Pauli, Aetij, & cum illis plurium nostri temporis Medicorum authoritatem floccifacere videar, qui caloris efferuescentiâ ad violenter trahendum incitari renes asserunt; ea nunc in medium afferam, quæ si attentè considerentur non parum sic opinantes hæsitare cogant. Præter igitur Fernelium, qui solius excedentis caliditatis ope attracticem impelli ad trahendum affirmare non est ausus, alij sunt qui caliditatem attractionis causam esse palam inficiuntur, ut subtilissimus Argenterius *secundo de morb. causis*, Laurentius Ioubertus *paradoxo 8. secundæ Decadis*, Felix Platerus, Thomas Campanella pluresq; alij. Quippe non paucos reperiri aiunt qui cum renum caliditate impensè laborent, parum nihilominus mingunt, & tamen si caliditas ingens Diabetem gignere apta esset, quæ iam in-

F  
genti

genti proxima est affectionem Diabeti proximam  
 ut gigneret necesse esset, quod minimè experimen-  
 to responderet. Præterea cum valida intemperies  
 cuiusvis facultatis actionem destruat, & Diabetici  
 maiorem in dies urinæ quantitatem profundant, id  
 non contingere ob tractionem ab aucta caliditate  
 convincere videtur. Quin contra vis trahendi pro-  
 pter intemperiei excessum in dies imbecillior e-  
 uadens minus quàm antea traheret. Adde quod  
 per renum inflammationem retinetur potius urina  
 quàm copiosius excernatur; & tamen tunc tempo-  
 ris caliditatem in renibus augeri, ratio suadet.  
 Præterea per diurnas Diabeticas affectiones nul-  
 lum sæpe caliditatis indicium apparet, ut plurimum  
 Diabeticorum à principio proposita exempla de-  
 monstrant. His vel similibus rationibus utuntur  
 quicumq; caliditatem præter modum in renibus  
 auctam Diabetis causam esse inficiantur. Quam  
 verò vim adductæ rationes, autoritates, atque  
 exempla habeant, tractationis progressus osten-  
 det. Etenim cum nullam de intemperie mentio-  
 nem in pertractando Diabete Galenus fecerit, id  
 ex alijs eius lucubrationibus petendum nobis re-  
 liquit. Alij non caliditatem solidæ renum substan-  
 tiæ impressam, sed calidos affluentes humores Dia-  
 betis causam esse opinati sunt: inter quos Iacobus  
 Hollerius, eiusque affecla Ludouicus Duretus, qui  
 præter venenatam qualitatem, de qua paulo infra,  
 bilis

bilis præsentiam tractionis renum causam esse commentum sunt ; quod vel ab Archigene , quem Aetius citat , vel ab Aretæo videntur hausisse ; verum quæ ad Aretæum spectant , non sicco pede transeunda sunt , sed paulò inferius examinanda ; nunc quoniam inter nostri corporis humores si quid veneni naturam redolet ipsa bilis est , idcirco in bilem renibus impactam tractionis huius causam ijs referre placuit . At biliosis humoribus qui scateant , tam multos reperiri quotidiana experientia monstrat , ut si inde Diabetes oriundus esset , nulla frequentior affectio in conspectum se daret . Quin icteritia laborantes causam hanc nullo niti fundamento fidem facere possunt ; cum tamen in illis ad urinæ vias ut plurimum urinæ copia bile imbuta trahatur , quod si insistas , ac non præterfluentem cum ferositate bilem , sed ipsam bilem renibus impactam tractionis causam esse volueris , respondebo primum ex præterlabente saltem Diabetis rudimenta apparere debere , ac præsertim in valde biliosis in quibus acrior gignitur bilis : deinde nullam talem in renibus Diabeticorum bilem à nobis inuentam esse testamur , quin persæpe ætate seniores & bili haud obnoxios in Diabeticas affectiones incidere : iam si bilis sufficiens non sit ad inducendum Diabetem per renes transfluens , nec intra renum substantiam admissa , longè minus id efficiet ; quod ipse Duretus putavit , ubi crassior extiterit , & à

iccore refudans exterius renibus incumbat, adhærescatq; non enim necessariò sequitur ex eo quod renum color aliquando visus sit in Diabeticis ab ipsius bilis præsentia immutari, ideò bilem attractionis causam fuisse. Quare si dixerim ab externa præsentia bilis, etiam vbi praua qualitate imbuta fuerit, renes potius ad expulsionem concitari, quàm ad attrahendum inuitari, fortasse probabiliora dixisse videbor. Quamquam ab eius bilis præsentia nè renes lædantur, ipsa renuni conditio, quippe pinguedine obducta, præseruare valebit.

Aliam doctissimus idem Duretus Diabetis causam adduxit, Animalculum nempe in ipso rene existens, quod quidem sibi ipsi euenisse testatur, idq; attractionis causam extitisse. Verum enim verò cum ipse Duretus paulò post scribat neminem Diabeticum conualuisse, affectionem illam siticulosam, cui multitudo vrinæ iuncta erat, Diabeticam fuisse nè credas: potuisse insuper animalculum illud renes titillando id præstare, quod arenulæ calculique nunquam præstitere, parum probabile est. Fortè alia accefferat affectio quæ sitim atq; vrinæ prouentum afferebat, vt propter id Diabetis speciem exhiberet. Vnde autem vir hic præstantissimus desumpserit Galenum duos perfanasse Diabeticos, quos vidisse tantùm, non sanasse Galenus scribit, nusquam apud Galenum legisse memini. Hinc deducit Diabeticos à Galeno visos non fuisse  
verè

verè Diabeticos. Quod si non fucere verè Diabetici, totam Galeni de Diabete tractationem corrumpere necesse erit, ac pro nihilo habendam; atq; ad Diabetem non pertinere quæcumq; ille de Diabete conscripfit. An verò (quod obiter, ac Dureto ipso ansam porrigente dictum sit) Diabetes eiusdem naturæ sit cum morbis illis, quorum causa diu latitans in indiuisibili mox puncto morbum producat, eo prorsus modo quo in generatione rerum naturalium formæ introducuntur, ambigo. alia namque ratio est formarum accidentalium, ab ea quæ substantiæ est; licet per aliquos morbos id fieri non inficiatur vt ex Galeno *comm. 3. in 3. de Morb. vulg.* Diabetis namq; accidentia, & si per initia non admodum conspicua sint, non tamen momento temporis apparent, sed ad morbi incrementum succedunt, ac manifestius se ostendunt. Humores igitur praua qualitate imbutos potius quàm calidos appetentiam in renibus ac prius in vasis emulgentibus caninæ similem excitare dixerim, quæ ad attractionem secundum Galeni mentem vasa illa impellat. Non enim si humoribus praua qualitate peccantibus etiam manifesta accedat, eaq; calida fuerit, ideo caliditati tractionem deberi necessario consequens est, sed ipsi prauæ qualitati cui caliditas copulata sit.

Sed an ita vis renum tractrix in Diabete perperam ad trahendum moueatur, vt reliquarum à renibus

nibus partium facultates, ac illarum præsertim tractrix, orientur, vel nullo pacto læsionem sentiant, res disquisitione digna esse videtur. Quamvis enim renes, vbi secundum naturam se habent, absque aliarum partium expulsionem tantum serositatis trahere videantur, quantum pro quotidiana expurgatione requiritur, non tamen sic euidenter fieri constat, vbi immoderata serositatis excretio fit. At verò quamquam à principio per Galeni Diabetem solius tractricis renum vitio, serositatis immoderata quantitas ad renes feratur, procedente tamen ulterius morbo, etiam proximarum partium expultricem vim accedere probabile est. Quippè ab attractione grauata non interim ad expulsionem insurgere nequeunt. Secùs dicendum est de Aretæi Diabete, vt inferiùs patebit, si quis enim Aretæi sententiam diligenter examinauerit, non solum, non sine expulsionem Diabetem fieri iudicabit, sed ab ipsa potissimum expulsionem affectionem oriri fatebitur.

Morbi igitur vel morbificæ causæ vi talem serositatis secretionem aliquando per morbos fieri certum est, quæ mox naturæ impetu, nunc benè, nunc malè operantis ad vrinæ vias confertim extruditur; in qua quidem functione, non vna tantum facultate natura ad explendum opus, sed pluribus, & modò calore naturali, vel promotore vel adiutore, nonnunquam autem & extraneo sollicitante vtitur.

Interim

Interim quamvis vnus tantum facultatis operationem quampiam naturalem perfici posse mente concipias, non tamen sine mutuo aliarum facultatum consensu realiter fieri putabis. Si enim haud exciderint ex memoria quæ fuscè à Galenò in *lib. de nat. fac.* & in ijs qui *de crisi*bus inscribuntur, non solum facultates inuicem adiuuari, earumque functiones inter se misceri comperies, verum etiam cuiusvis morificæ causæ motionem ab ipsa facultate expultrice initium sumere cum ipso Galeno fateberis. Quæ verò sit qualitas quæ ad molesti toto genere præter naturam expulsionem in Diabeticis naturam cogat, quantum quidem ad probabilitatem accedere mihi videbitur posterius dicetur, vbi Diabetis ab Aretæo descripti naturam examinauero. Nunc satis sit dixisse nulla manifesta qualitate (de primis loquor) naturam stimulatam vasa tractioni destinata ad tractionem per Aretæi Diabetem impellere. Vt enim in carina appetentia ventriculi, non à calido vel frigido, non ab humido vel sicco, sed ab inexplicabili quodam vitio facultas tractorix prauè afficitur; sic emulgentium renumque vis tractorix à praua qualitate stimulata ad attrahendum insurgit, vt quod attraxit longè à se ipsa, quæ licet arte demum expellat. Imprimitur verò nonnunquam qualitas quædam paulatim ab humoribus in partibus solidis, quæ deinde impressam sibi qualitatem in ipsos humores refundunt, vt

sub-



substantiæ postea potius, quàm ipsius qualitatis similitudine ad quam natura vel inuita etiam per morbos respicere cogitur, facili postea negotio eâdem qualitate imbutos ad se alliciat. patet hoc per morbos qui contagione disseminantur. Sed & ipsa humorum qualitas certa ac determinata vi prædita illud idem confirmat. Quod enim tam cito quædam ex thermalibus aquis ad vrinæ vias properent, non sola transmissione fieri credas; sed ob id maximè quoniam vix assumptæ vasis emulgentibus renibusq; qualitatem præmittunt, quam nisi aliquod impedimentum accesserit quod tractionem remoretur, vbi vasa ipsa percipiunt, illicò ad attrahendum insurgunt. Hanc verò qualitatem tam breui temporis spatio præmitti non dubitabis affirmare, si consideres quàm cito ex quarundam rerum odore sternutamentum proritetur; & quàm cito ab odore alioquin grato hysterica mulier offendatur, quamquam citò ex malè olentibus vterus in furias elatus subsidat. Inter itaq; tractionis causas quas recensuimus hanc, quæ ab affluentium humorum certa ac determinata qualitate desumitur, ad probabilitatem magis quàm ceteras accedere existimo. Et sanè non sine ingenti admiratione nemo mente concipiet in Diabete subito eueniente, ita naturale renum temperamentum propter manifestas qualitates, atque caloris exuberantiam inmutari, atq; inde vim attracticem adeò deprauari,



prauari, vt vniuersam totius corporis serositatem breui temporis tractu exhaurire valeat; atq; inter partes omnes ante renes & citra iecur quoque positas ita retinendi vi spoliari, ac iecur præsertim, vt nihil amplius retinere videantur, sed prorsus ac citò præ inopia arescant; & sub parua renum mole tantâ affluente serositate. quamcunq; renum appetentiam satiasi non posse. Ita nè renes ardorem, inflammationem, vlcera sordida ac depascentia, arenularum calculorumq; præsentiam tolerare assuetos ex improviso calor quantumuis ingens adortus in furorem aget, atq; insano trahendi desiderio torquebit? Declamatorem non agam; neq; enim tantorum virorum sententiam omnino contemno, qui tam immanem trahendi cupiditatem vni renum calori tribuere voluerunt: at in re oculis minimè peruia, & de qua quicquam decernere Galenus non est ausus, paulò liberius excurrere mihi visum fuit. Etenim non quicquid à renibus & per renes excernitur ipsorum renum proprio semper atque primario excernitur vitio. Quid nì igitur fateamur ante renum læsionem vasa ipsa, emulgentia mali labem contraxisse, affluentesque humores alibi genitos & aliunde prodeuntes attractioni causam dedisse? Qui enim fieri posset vt renes ambo, eodem tempore, atq; eadem affectione laborarent, si non ex humorum vitio oriretur affectio? Quod si quis fortè concedat ex affluente qui-

dem serofitate eiusque praua qualitate vnà renes quodammodo affici; at non prius inde Diabetem oriri quàm renes eadem serofitate prorsus imbuti eiusq; praua qualitate irritati ad attrahendum insurgant: affectionis tamen originem aliunde proficisci, & Diabetis causas alibi sæpius ac priùs quàm in renibus quærendas, tum curationis atq; præseruationis scopos proinde aliunde sumendos esse, diffiteri non poterit: ac præsertim vbi repente Diabetes hominem adortitur, quo nempe tempore vitium ex manifesta qualitate in renibus progigni vix capere potest intellectus, aut ratio persuadere. Fortè in momento vitium renes contrahere possunt si vt partes instrumentales considerentur, quod tamen vitij genus à Diabetis causis Galenus exclusit.

At sentio, ex eo quia dixerim humores certa ac determinata qualitate imbutos esse tractionis causam in Diabete, nec quales illi tandem sint adiunxerim, ideò nonnullos obijcere, quod hoc in casu solent, occultas qualitates nihil esse aliud quàm ignorantie asylum. Quibus breuiter respondeo, hos è longinquo tantum rerum naturam inspexisse; nam qui rerum omnium causas ab elementorum primis qualitatibus pendere constanter affirmant, quamuis id ex Peripateticorum placitis ex suggestu eruere conentur, & ex rationibus prima facie probabilibus deducere, si sese ad experimenta conuertant,

tant, ad quæ ut ad lydium lapidem devenire tandem oportet, nihil præter inania verba se ut plurimum iactitasse, ac nihil attulisse quod ad quæsitæ rei naturam faciat, serò ac serò intelligent. Quid verò de qualitate quæ in Diabete trahendi desiderium in renibus, vasisque emulgentibus excitat, dicendum sit, & an re vera tractio ista sine aliarum partium prævia expulsionè fiat, quatenus ad probabilitatem accedere existimauerim, inferius explicabo: præstat enim ad Aretæi Diabetem properare nè frustra quæ mihi dicenda sunt hoc loco inutiliter præmittam.

Quicunque Aretæi Diabeticas affectiones cum Galeni Diabete confundunt, multis se se difficultatibus atque contradictionibus implicant à quibus postea se se explicare nequeunt. Quamvis enim urinae profluvium tam in Galeni, quam in Aretæi Diabete vnum & idem symptoma sit, pro causarum tamen varietate multum inter se discrepant affectiones. Atque in primis nullam apud Aretæum de tractricis facultatis læsione mentionem fieri notandum est; quin ex illius tractationis serie Diabetem transmissione tantum, non autem tractatione fieri apertè colligitur, ubicumque enim humor collectus stagnaverit, ad exitum, ut ille inquit, labitur. At labi non est trahi. Secundò Diabetem ab Aretæo descriptum non à renibus præuè affectis originem ducere quivis animadvertere poterit, sed ab aliâ

rum partium affectionibus; secus ac Galenus censuit, qui Diabetis originem primum in renibus perquirendam esse supponit. Tertiò Aretæi Diabete cum dolore fit, de quo quidem apud Galenum nulla fit mentio. Quartò Aretæus inter Diabetis causas colliquationem enumerat; quam si fortè dixeris à Galeno licet non expressè concessam, plurimum tamen distabit Galeni colliquatio ab ea cuius Aretæus meminit; cum quæ ab Aretæo colliquatio supponitur Diabetem præcedat, quam verò Galeno adscribas Diabetem sequi certum sit. Quintò ad criticam acutorum morborum expulsionem Aretæus Diabetem refert, quod non admitteret Galenus qui primariam renum affectionem illam esse voluit. Tandem inde coniicias Aretæum haud existimasse Diabetem esse propriam renum affectionem, cum seorsim de Diabete pertractauerit, & postea subsequentis capituli inscriptionem fecerit de Renum affectibus; ex quo etiam inferre queas à renum affectionibus Aretæum seiunxisse Diabetem. In eo certum conuenire videntur quod aliquando in occultam quandam vel venenatam qualitatem Diabetis causam vterque referat. Galenus quidem exemplo caninæ appetentiæ quæ à manifesta qualitate, vt iam dictum est non videtur proficisci. Aretæus verò à Dipsadis morfu, quod fortassis pro exemplo dictum fuit ab Aretæo; nam tantum abest vt ab huius bestiolæ morfu Diabete oriatur,

oriatur, quin potius ex toto supprimatur vrina, vt videre est apud Aetium ex quo Sanctes Ardoynus, id libro de venenis accepit. At discrimen quod inter Galeni Diabetem atq; Arætæi Diabeticas affectiones intercedit vt clarius innotescat, notandum est non de vna tantum affectione sub Diabetis appellatione Arætæum esse loquutum, sed respectu diuersitatis causarum de pluribus, quamquam non admodum distinctè. Etenim modo de ingenti vrinæ profluuio quod p̄r malam crīsim quæ post acutos quosdam morbos fieri videtur, verba facit, modo frigida & humida causæ meminit; præterea colliquationem accusat; ac tandem in venenatam humorum dispositionem causam Diabetis reijcit. Singulas igitur hæc Diabetis species examinare operæ pretium est, & quid proprii habeant, vt ab inuicem distingui mereantur decernere. Ab ea ordiatur quæ aliquando per crīsim contingere solet, quam si placet Diabetis critici appellatione nominabo.

Optimam igitur atq; absolutam morborum crīsim tunc fieri contingit quando concoctis iam humoribus, ac segregata vtili portione ab inuiti vis expultrix ad expulsionem insurgit, atq; humorum reliquias ipsamq; serositatem, de qua nunc nobis sermo est, per loca conferentia è corpore detru-  
dit. Sed & nonnunquam antequam vis segrega-  
trix suo probè munere fungatur, ob materiæ ex-  
cernendæ

cernendæ conditionem, quæ quantitate vel qualitate, vel totius substantiæ prauitate peccabat, natura cogitur expulsionem aggredi, quo quidem tempore dum materia furere videtur, nullaq; naturæ lege gubernari, mirum non est si huius generis expulsionem, non sine ægrotantis præsertim ad summam imbecillitatem redacti discrimine fiant; sic quemadmodum ex assumpto medicamento validè purgante haud rarè superpurgationes succedunt, per quas vnà cum vitiosis humoribus innoxij quoq; excernuntur; ita ne dubites contingere per morbos, ac morbificæ causæ irritationem, quæ ante crisis perfectæ tempus vel in ipsa etiam crisi mouetur. Fiunt enim aliquando profusiores excretionem quas æger propter imbecillitatem tolerare nequit, & per quas natura succumbere cogitur. Cum igitur hæc sic fieri quotidiana doceat experientia, mirandum non est si quædam magis vel minus rarius vel frequentius accidunt; id enim pro causæ intensione vel remissione, vel pro partium nostri corporis, vel ipsius naturæ propensione euenit. At tunc admirari solemus vbi intra mediocritatis fines res non continentur, sed vacuationes ad immodicam atq; enormem quantitatem accedunt. Sic immensæ vel immoderatæ altitudinis homines admirabundi intuemur, mediocris verò absque vllò admirationis sensu præterimus. Quid igitur prohibet secretam aliquando per morbos

bos serositatem , præsertim cum acris illa fuerit atque copiosa , ægro iam debili, naturam sustinere amplius non posse, sed illam ad urinæ vias critico, sed violento vel importuno motu expellere ? Iam quoniam quæ de causa critici huius Diabetis Aretæus scribit paulò obscuriora videntur,quàm vt statim percipi valeant , præstat eius verba hîc apponere , eorumque sensum apertiùs explicare . Sic autem inquit . *Huiusce languoris causa aliquis acutus morbus esse potest, qui hanc in partem impetum fecerit, & in crisi aliquod malignum virus latenter morbi reliquerint* , quorum verborum sensus est, Diabetem non fieri ed quia renes proprio aliquo affectu laborauerint, sed quia humorem idest serositatis maligna qualitate imbutæ impetus, vi morbi alicuius acuti alibi quàm in renibus geniti, critico more in renes feratur ; à qua præterfluente aliquam quidem renes fortasse labem sentiant, sed in ipsa serositate vitium lateat, à quo natura totius corporis gubernatrix ad expulsionem irritetur ; nè quis putaret serositatem praua qualitate imbutam prius in renibus dispositionem induxisse quæ renes ad attrahendum impelleret . Etenim cum excretio ista per acutorum morborum crisin subsequi soleat, & vt prius dictum fuit, cuiusvis morbificæ causæ motio ab ipsa facultate expultrice initium sumat, quamuis attractionis ansam ex prauæ materiæ transitu renes arripere valeant, & naturæ pro-  
uident-



uidentia tunc trahere vt expellant, falsa quadam familiaritatis specie decepti; attamen expultrici facultati rem ab initio deberi certum est. De alterius verò partis morbo non renum, loquutum esse Aretæum inde constare debet, quoniam à solo renum morbo talis nunquam crisis expectari debuit, per quam tanta serositatis quantitas effundatur, quanta in Diabete spectatur. præterquamquod nullus acutus morbus crisi terminandus in renibus oriri poterat præter inflammationem ac erysipelas, per quos vrina sistitur potius quam immoderate fluat.

Quæret autem fortè aliquis ed quia Aretæus asserat aliquando Diabetem fieri per aliquem acutum morbum, quales potissimum morbi sint qui hanc affectionem inducere valent; cui respondendum est pleuritim, ac peripneumoniam præcipuè esse. Quod & ipse Hippocrates sub finem *Coacorum prædictionum* visus est annuisse, cum scribat *prauum esse in morbis acutis celeriter à potu emingere, præsertim pleuriticis & Peripneumonicis* quo loco eius sententiæ expositor Hollerius à se ipso non dissentiens circa Diabetis causas, per hos potissimum morbos incalescere renes ac siccitatem contrahere statuit, vnde accedente illarum partium imbecillitate, hydropis quæ ad matellam dicitur instare metum affirmat, & nos à principio huius tractationis sub exemplo Brigidæ Martini hoc idem symptoma



ptoma in medium attulimus . Quòd si nonnunquam & ipsa prædictarum affectionum materia, vt in libris *de loc. aff.* Galenus testatur, vbi non benè per *δρανδλαπειον* expurgatur, ad vrinæ vias, experientia id confirmante, transmittitur; multò facilius erit eliquatam serositatem vtpotè subtiliorem & proinde ad motum magis paratam eò viam arripere . Attentè præterea consideranti *cap. 8. lib. 2. de causis & signis acutorum morborum Aretæi* in quo de venæ cauæ acuto morbo pertractat, cui faciliè arteria vicinitatis ratione consentit ( *venæ enim cauæ morborum*, vt ipse inquit, *arteria particeps efficitur* ) non sine ratione, nisi fallor, visum mihi est, morbum hunc inter enarratorum classem commodè referri posse . Siquidem ardor inde, orisq; siccitas, & sitis ingens oritur, per quam ægri exuberanter bibere coguntur, nec tamen à siti leuantur, sed paulò post molestior ipsa sitis redit; quæ omnia, manifesta Diabeticis inesse solent; hoc tamen intelligendum est quando nec per aluum, nec per vomitum quod affatim bibitum est, excernitur, sed ad vrinæ vias tendit; quod nè disrumpatur homo sequi tandem necessarium est . Ad criticum præterea Diabetem motus ille referri debet qui fit aquâ hydropicorum repente ad vrinæ vias conuersa; in qua quidem expulsionem si æger alioquin imbecillus decedat, non alio decessisse morbo quàm Diabete, audacter dixerò.

Iam de Diabete quem ex colliquatione oriri Aretæus scribit, nonnulla dicenda sunt. Breuibus hic rem complexus est, dum dixit Diabetem esse carniū, & membrorum in vrinam colliquationem; eiusq; causam frigidam atq; humidam esse, vt in aqua inter cutem. Clariùs ac distinctiùs sub finem 2. cap. lib. 3. de sympt. causis Galenus colliquationem, ac quid ex colliquatione sequatur describit; vnde non pauca defumi queunt quæ ad naturam Diabetis, qualis vtrique ab Aretæo describitur, exactius dignoscendam haud parum conducere videntur. Fit verò nonnunquam (Galenī verba sunt) ἀραιώσις quædam, idest reelementatio, vel dissolutio, vel liquefactio (Denaturationem Ballonius vocat,) modo totius corporis, modo succorum dumtaxat qui in venis sunt. Quod autem ex colliquatione provenit aliàs ad ventrem, aliàs ad urinam, aliàs ad sudores confluit; ac succis quidem qui in venis habentur in serosam sanie[m] solutis, renes qui ad id excrementum trabendum nati sunt, serum quidem à venis expurgant, fluxionem autem ad vesicam; potissimum si sani sunt, assidue mittunt. Vbi autem renes trahere non valent, aut vene eiusmodi serum in ventrem mittunt, aut toti id corpori patientes, subitaneos hydropum status inducunt. Ex quibus qua ratione Aretæi Diabetes à colliquatione oriendus fiat manifestè colligitur. Aretæus quidem de carniū membrorumq; colliquatione tantummodo mentionem facit: at Galenus de succorum quoque colliquatione

ne non tacuit, qui promptius ac facilius absq; ingenti calore in serositatem liquari possunt; cum carnes non nisi feruentissimo æstu dissoluantur *ut 3. in 3. de morb. vulg.* idem Galenus docet. Tantam verò ex tali colliquatione succorum serositatem provenire posse affirmat, quanta, si in ventrem defluat; ad inducendum subitaneum hydropem sufficere valeat. Hinc deduci potest, si serositas non in ventre colligatur, vel in habitum corporis distribuatur, sed ea ad urinæ vias conuertatur, non minus inde affectionem Diabeticam ab Aretæo descriptam, quàm verum Galeni Diabetem gigni posse; prout vel in renes demandatur, vel à renibus trahitur. Verum si tantam serositatis portionem renes, si sani sint, trahere possunt, quanta ad inducendum subitaneum hydropem statum sufficit; iam licebit mirari cur Galenus adedò laboraverit, tantusq; fuerit in assignanda depravatione tractricis renum facultatis pro Diabetis generatione. Obiectionem aliquis fortasse diluet, dicendo sanis renibus tractionem quidem hoc in casu deberi, sed non ita brevi temporis spatio, neq; adedò confertim ut in Diabete contingit. Attamen vix evadere poterit, si de diuturno Diabete sermo fiat, vel de eo qui non adhuc ad statum peruenerit. Quamquam si de subitaneo hydropis statu evitando intelligamus dubitandum non est, quin tunc renes, etiam dum sani, brevi tempore atq; assatim trahant. Ni-

hil igitur obſtare videtur quò minus ex colliqua-  
tione ea ſeroſitatis quantitas colligi poſſit, quæ ad  
efficiendum Diabetem idonea ſit, præſertim vbi ex  
cauſa frigida & humida colliquatio oriatur. Hæc  
erenim intemperies ſiue per ſe atq; immediatè talis  
accedat, ſiue mediatè & per accidens, ob calo-  
ris exceſſum vel poſt illum ſequatur, ſeroſitatis re-  
dundantiæ occaſionem dabit. Quòd autem ob ca-  
loris exceſſum frigida oriatur in corporibus affe-  
ctiones; hydropes repentè per morbos acutos ad-  
uenientes quotidie demonſtrant; ſic nihil prohibet  
per eandem frigidam & humidam intemperiem col-  
liquationem fieri, congeneremq; hydropi affe-  
ctionem progigni, ad quod idem Aretæus fortè reſpi-  
ciens, capiti de hydrope immediatè caput de Dia-  
bete ſubiecit. Ego quidem vidi Sebaſtianum de Bre-  
nis Lucenſem Ciuem ex humida frigidaq; corporis  
totius conſtitutione in ſuccorum colliquationem,  
atq; inde in enormem vrinæ quantitatem cum in-  
genti ſiti bis incidiffe; vnde conieci vel ſanis reni-  
bus tantam vrinæ copiam prodire poſſe, quæ hy-  
dropem; etiam vltra principium progredientem  
impedire potuerit. Hæc verò affectiones, ſiue per  
acutos morbos eueniant, ſiue paulatim ac ſenſim  
ſuboriantur, ſymptomaticas eſſe conſtat, ac pro-  
inde à critico Diabete ſeiungendas. Habet enim  
plerumque tunc morbus ſua tempora, quæ ſenſui  
adèd manifeſta ſunt, vt commodè dignoſci va-  
leant,

leant, qua quidem ratione inter diuturnas affectio-  
nes hanc Diabetis speciem Aretæus reposuit; licet  
acuti speciem tunc affectus exhibeat, cum perfectio-  
iam morbo ægri salus omnino desperata est; quo  
quidem tempore non ægrotantibus dumtaxat, ve-  
rùm & ipsis quoque Medicis sæpe imponens, acu-  
tus esse videtur. Sed cum causa hæc frigida &  
humida respectu Diabetis nonnullas continere  
difficultates videatur, præstat paulò prolixius cir-  
ca illam immorari. De frigiditate autem quæ ta-  
lis actu sit, parum sollicitus essem, quandoqui-  
dem non de hac, sed de ea quæ potestate talis  
est Aretæus loquutus esse videtur. Verùm cum  
vir celeberrimus Victor Trincauellius 2. *epistola-  
rum libro* binis epistolis ad Theophilum Varino-  
nium, inter Diabetis causas tam externam frigi-  
ditatem, quàm potionem intense frigidam enu-  
merauerit, de hac quoque nonnihil mihi dicen-  
dum fuit. Et quatenus spectat ad frigiditatem ex-  
ternam, per hanc putat ille contentricem faculta-  
tem infirmari, experientia doctus, nam vt inquit,  
*si frigus hyeme perpeffi simus, præsertim secundum pedes,  
sapius & solito plus mingere solemus.*

Per internam vero, dum ex potu nimium frigido  
Cardinalis Pisani fratrem in Diabetem, communi  
omnium consensu, incidisse refert. Contra hanc  
opinionem nouissimè in suis medicinalibus Tho-  
mas Campanella insurgit, eò quia frigidi sit consti-

pare,

pare, atque occludere; vnde nec serum, nec potum celeriter frigus in renes perducet, potius autem, vt dicunt, retinebit ne transeat. At quid frigus externum frigidusue potus in corporibus efficere valeant, non bene obseruauerunt illi, de quorum mente Campanella visus est loqui. Etenim vel ipsi Diabetici potum quamuis niue perfrigeratum, atque confertim ingurgitatum nihilominus ad vrinę vias citissimē ferri quotidiano testantur euentu; quod & exemplo à Trincauellio adducto confirmatur. Sed nonne flante Barea, atque expressa vi frigoris humiditate aliarum partium, oris siccitas ac sitis oritur, vt non minus, quàm per ingentes æstus homines bibere cogantur, potumque ob id plurimum ingerunt, totaq; serositas ad vrinę vias feratur, vt probabile sit in proximē dispositis hanc de causa Diabetem aliquando posse oriri? Plura tamen sunt quę Trincauellij sententiam suspectam reddant. Non enim si de Galeni Diabete intelligit, retentricem læsam esse ad inducendum Diabetem sufficit, sed oportet vim tractricem alia ex causa quàm propter frigus ad trahendum incitari. Et exemplum ab ipso allatum potius conuincit suscitatiā iam affectionem ad frigidę potionis desiderium ægrotantem inuitasse, quàm frigidę inopportuni vsum Diabeti causam dedisse. Qui vero frigiditatem externam pro causa adducunt, si de procathartica intelligi volunt, non sunt reprehendendi

hendeudi secus autem si de proxima & immediata, de qua iam mihi sermo est, & de qua præter reliquas Diabetis species hucusq; explicatas Aretæus verba facit. Hæc verò est frigiditas atq; humiditas intra corpus exundans; cuius quidem sententiæ ipse Aretæus author extitit. Verùm enim verò non tanti facienda videbatur Aretæi auctoritas vt illi absq; alicuius rationis accessione fides haberi deberet, præsertim cum non deessent qui eundem inconstantia accusarent; quoniam cum ab initio capitis hanc pro Diabetis causa adduxisset, paulò post veluti sui oblitus ex acuti cuiusquam morbi reliquijs ad urinæ vias iter arripientibus eundem oriri voluerit. Porro acutorum morborum reliquias non sine ratione caliditatis sobolem esse quispiam obijciat. Præterea asserere sitim ingentem quæ de natura Diabetis est, sub intemperie frigida & humida negotium facere *ad Naturam* sapere videtur. Nam cum sitis sit frigidi atq; humidi appetentia, quis præsentem frigida & humida cum causa tum materia, siti laborare vnquam poterit? Sed cum non Aretæus tantum, verùm & ex Arabum familia Auicennas & Rhasis ex Aretæo, vel cum Aretæo idem sentiant; idè aliquam subesse rationem probabile est, qua tot viri celebres moti in hanc sententiam iuerint. Victor ipse Trincavellius qui prior Aretæum inconstantia accusare ausus est, non solum Diabetici illius meminit, de quo  
antea



antea dictum est, qui cum febre acuta correptus prius fuisset, ac potum nollet admittere nisi gelidum, in Diabetem incidit, ex quo etiam obiit; hic nempe nullum in renibus vel hypochondrijs insignem percepit calorem; Sed etiam expressè Aretæi sententiam sequutus est, ac sequi velle constanter affirmavit; quod hac verborum serie testatus est. *Attrahunt quidem renes si quis sit talis humor in venis, quamvis nulla interdum adsit calida intemperatura; non negamus tamen quin à calidiore facilius ac violentius fiat eiusmodi attractio; & propterea ut credimus, sæpius ab illa quàm à frigida fiat Diabetes. Tum ergo ab experientia doctus, tum etiam rationibus & auctoritatibus ductus in hanc sententiam facile descendi, quam credo me servaturum eatenus, donec aliquid quod verisimilius mihi videatur, audierim aut legerim, Trincauelio videtur adstipulari Gulielmus Ballonius 2. epidemiorum de vxore D. Donisot Diabete, inquit, laboravit; & pituitam acidam eum affectum committere signis colligebant. His adde me quoq; per Diabeticas affectiones obseruasse, ut ab initio tractationis adnotaui, ægrotantes valde siticulosos; ac nulla, vel leuia caliditatis indicia præ se ferentes, vitam cum morte commutasse. Quos licet non ob id quodd actu calidos vulgus rerum tantum superficiem animaduertere assuetum perciperet, frigidior tamen intemperie laborare peritiores affirmare non dubitauerant. Quandoquidem non tantum per morbos,*

bos, sed & intra sanitatis limites contentos non paucos reperias, qui vniuersi corporis, vel peculiaris cuiuspiam partis frigida temperie donati sunt; actu verò tantum frigidi deprehenduntur, cum vita ipsa fugit quæ in calore posita est, & mors est in propinquo .

At si Trincauellius qui se experientia & rationibus ductum esse in hanc sententiã scripsit, aliquam ex rationibus sibi notis adduxisset, faciliori negotio ex hoc inextricabili labyrintho nos eduxisset. Nullam verò aliam apposuit præter hanc, quòd sub frigida & humida intemperatura licet alteratrix, & retentrix facultas valdè labefactari queant, non tamen necessarium sit vim attractricem oblãdi; quapropter Diabetem fieri ex frigida & humida causa cum Aretæo sensit; sed non animaduertit se Galeni Diabetem cum Aretæi Diabete confundere, in qua idem Aretæus ne verbum quidem de vi renum tractrice læsa fecit; sed accidens hoc vel morbum, vel affectum, vel affectionem, vel quocunq; nomine appellare volueris, in sola transmissio-  
ne consistere visus est affirmare. Quamvis autem in hoc Diabete frigiditas & humiditas à principio occasionem morbo dedisse videantur; procedente tamen vltcrius morbo, totaq; ferè humiditate ad vrinæ vias transmissa, in vniuerso primum genere venoso, inq; tandem vniuerso corpore siccitatem relinqui necessarium est; vt non tantum naturalis

fitis in renibus vasisque emulgentibus, sed & sensu perceptibilis in ventriculo succedat. Sic propter iugem vacuationem siccitas inducitur, atque à siccitate fitis. Non tamen citra aliquam actualem caliditatem hæc fieri putandum est, quoniam nulla in viuientibus absoluta frigiditas datur. Ex indefinienti quoque motu humorum aliquam in spiritibus accensionem suboriri necessarium est. Quod morbi ipsius progressus ab Aretæo descriptus his verbis ostendit. *Cum futurus est morbus, os humore priuatur, saliuæ est albida, spumans perinde atque in suis; nondum tamen siliunt; præcordia grauiæ sunt, calorem aut frigus à ventre in vesicam tendere sentiunt, pro ue aduentantis morbi processus est; quin etiam paulo plus lotij quàm moris erat effunditur, suis adest, sed nondum vehemens; Cumque amplius clementum accipit, calefactio parua quidem sed mordax visceribus inherens exoritur, abdomen habent rugosum, Venas extantes, totum corporis habitum gracilem, quando & urine profluuium, & suis, iam auclæ insigniter sunt. Notandum est Aretæum huic Diabeti adscripsisse, modo frigus in ventre, modo paruam calefactionem. Si quis igitur diligenter expendat quicquid Aretæus per hunc Diabetem obseruauit, & quicquid experientia doctus conscripsit; is sanè sub hoc morbi progressu rationem apertè contineri fatebitur, cuius vi non ab ingentis caloris præsentia, sed à siccitate atque ab humoris indigentia sitim ori-  
ri con-*

ri contingat. Neq; verò dubitamus asserere quæ Aretæus dictauit, ea visu comprobasse; nam ex ijs quæ sub finem capitis de hydrope scripsit eius ingenuitas dignoscitur; cum quæ ipse non vidit, scribendo affirmare noluerit, & quoniam eandem cum hydrope generationem hunc Diabetem sortitum esse putauit, idèd eius causam frigidam & humidam, vt in hydrope, esse scripsit. Quod à veritate alienum, si attentè consideretur, censerì minime debet, tam si causam materialem, quàm si efficientem contemplaris; nam detentis in visceribus ac iecinore præsertim, vitiosis humoribus, atque ibidem incalescentibus, vnà cum ipsa iecinoris substantia naturalis calor obruitur; vnde mox frigidi affectus oriuntur, & chylus non ex reuerberato calore, vt ingeniosè Campanella commentus est, sed ob remissam caloris vim, in serositatem permutatur; non enim in visceribus animalium quemadmodum in fornace reuerberatio fieri potest, quando coctiones in corporibus animalium elixatione perficiuntur; ac propterea non inde sal gignitur vt in locis subterraneis, sed falsuginosa tantum serositas, vt iam iam aperiam. Materiali itaq; causa præsentè quæ tam ad hydropem quàm ad Diabetem parata est, si memineris Diabetem apud Aretæum transmissione fieri, nihil obstat quin ex frigida & humida causa Diabetem oriri concedas. Superest modo vt de peregrina qua-

dam vel venenata Diabetis causa, quod antea pollicitus fueram, breuibus differam. Aretæus ut Buprestis venenum inter hydropis, ita Dipsadis inter Diabetis causas enumerat. Quicquid verò sit de eiusmodi causis non multum laborandum est; quippe vel rarò, vel potius casu euenisse puto si Diabetes inde sit ortus. Sed nec primas quas vocant elementorum qualitates pro illius generatione accipiendas esse censeo; cum quotidie tam in toto corpore quàm in singulis eius partibus exorbitare illas contingat, nec tamen Diabetes excitari, nisi admodum raròprehendatur. In hoc igitur Diabete qui postremo loco se se nobis offert, prauam adesse qualitatem Aretæus voluit, qui aliquod malignum virus latenter per morbos acutos relictum, & per crism ad vrinæ vias transmissum, Diabetis causam esse pronunciat; & clariùs Dipsadis exemplo, quod exempli gratiâ appositum fuisse iure suspicati sumus. Profectò peregrina quædam ac venenata qualitas in humoribus reponenda erat potius in Aretæi quàm in Galeni Diabete; quoniam manifestius per Aretæi Diabetem expultricis facultatis opus apparet; ab hac enim facultate irritata affectio hæc oriri videtur.

Prodigiosam hoc loco expulsionem præterire nequeo, cuius Vidus Vidiùs cap. de Diabete mentionem facit, & quæ in peregrinam quandam & occultam

cultam causam omnino referri debeat eius verba sic habent ; Neq; eorum sententiam omnino contemnendam esse credimus , qui ad prædictas huiusmodi affectionis causas addunt quoq; irritationem quandam latentem facultatis expultricis singularium partium nostri corporis , & potissimum venarum atq; articularum prædictam ab ipsius serosi humoris acrimonia , siue ab alia quadam nobis minus perspecta prava qualitate , quam idem humor contraxerit ob immoderatum calorem cum siccitate coniunctum iecoris , atq; habitus totius corporis , ad cuius sic affecti humoris expulsionem per viam aptissimam ipsius urinae , arteriae ac venae omnes per quasunque partes dispersae insurgunt , & inde admirandae naturae propositum symptoma exoritur . An verò occulta , ac maligna qualitas , quæ tam in Galeni , quam in Aretæi Diabete aliquando negotium facere creditur , eadem ubiq; esse possit , ambigo , atque hæreo . Attractio enim , atq; expulsio , penes quæ Galeni Diabetes ab Aretæi Diabete differt , oppositi motus sunt , & non ab vna eademque causa oriri posse videntur : differre præterea probabile est malignitatis gradu , quoniam cum attractio ob familiaritatem fiat , expulsio autem propter incongruum , atq; inimicum obiectum , minus malignitatis adesse alicui videbitur in Galeni , quam in Aretæi Diabete . Quod autem probabilius sit , vtriusque affectionis comparatione res dilucidior fiet , tractionis in Galeni Diabete causam prius nobis disquirentibus .

Primum

Primùm itaque suppono vrinam in secunda coctione quæ in hepate celebratur sui primordia accipere; & cum in eadem coctione humores propriam auspicentur naturam, & vnusquisq; illorum sua constet serositate, quæ tandem vbi muneris suo satisfecit tamquam inutilis per renes in vesicam demittitur, consequens est vrinæ materiam non tantum immediatè ex potu, sed & ex humorum serositate constare. Secundò serositatem hanc non solum ob salem quo in victu quotidiano vtimur, sed ob illum maximè qui in omnibus penè esculentis potulentisq; latitat, falsuginem contrahere. Quod vltiori probatione non indiget, cum sensu talis in vrina deprehendatur. Tertio eandem serositatem plus minusuè salis qualitatem induere, prout victus ratio, & corporis constitutio ad salis generationem conferunt. Etenim non veremur affirmare vnà cum Chymicis in hominum corporibus materiam ad salis generationem proximè dispositam reperiri; quod per chymicas operationes euidenter apparet. Plurimum namq; salis ex vrina colligitur. Quarto eandem quoque serositatem diutius quàm par est in vasis venis scilicet atq; arterijs, & in toto corpore asseruatam, maiorem in dies falsedinem acquirere. Quod non solum pruriginosæ papulæ quæ molesto cruciatu interdum toto corpore erumpūt, sed & aqua ipsa hydropicorum asciticorum euidentissimè ostendunt. Quintò licet

salis



salis proprium sit cogere, densare, atq; humiditatem absumere vel exprimere, non tamen putandum est hæc ipsa ita salsuginosis competere, vt salii ipsi propria sunt, præsertim cum plurimus humor insipidus sali miscetur. Tunc enim salsum & incidit & abstergit, & abluit, vt Pamphilo *lib. 3. de aquis* visum est, imo Hippocrati ipsi qui in *lib. de affectionibus* salsum secedere, atq; vrinam mouere scripsit. Sextò emulgentia vasa renesq; serositatem potissimum trahere ob familiaritatem quam cum salsedine sortita sunt. Quippe nisi inter facultatem tractricem harum partium, atq; obiectum familiaritas intercederet, neutiquam tractio fieret; vnde idem Pamphilus scripsit Naturam modicè salsis delectari, eaq; appetere atq; complecti. Est enim salsum ignis in aqua, ex quibus animal constat. Cum igitur negari nequeat vrinam nunquam salsedine spoliata esse, negari quoq; non poterit renes quòd vrinam trahant, cum salsedine familiaritatem habere. Septimò salsedinem hanc cuius serositas particeps est, quamdiu eadem serositas sanguini commista est, ac quantum satis est, idest secundum naturæ leges ac modum trahitur nullam naturæ molestiam inferre: at vbi præter modum in venis augetur, vel opportunè non excernitur, vel importunè trahitur, noxas euidentes afferre. Octauò licet in maioribus vasis, venis scilicet atq; arterijs purior & elaboratior sanguis vt plurimum continetur,

neatur, fieri tamen nonnunquam vt ibidem exardescat, atq; Causi speciem illam valdè perniciosam inducat quæ ex falsæ pituitæ commistione oritur; cuius pathognomonica signa sunt calor immodicus atq; vrens, sitisq; inexplibilis, quibus si vrina tenuis & aquosa superueniat, lethalis portenditur exitus.

His itaque sic suppositis, aio; Qualitatis vitium quod in Galeni Diabete caninam veluti appetentiam in renibus vasisque emulgentibus excitat, & cuius præsentia nimia sit serositatis attractio, in ipsius serositatis excedente falsedine quam temporis tractu ob prauam, terreamque partium dispositionem acquirit, positum esse. In hanc porrò sententiam, ( licet plerique non minus acres ac biliosos humores quàm falsos accusent ) ire mihi tandem placuit; non solum quia falsedinis rudimenta iam ante Diabetis generationem in vrina adesse consueuerant, sed ob id maximè quoniam per Galeni Diabetem de vrinæ acrimonia deque bilis præsentia Diabetici minimè conqueruntur, & quiduis aliud eorundem vrina quàm bilis naturam vel copiam repræsentat. Quod si orta suis debeant attestari principijs, vt Philosophi docent, profectò mirum videri debet quomodo biliosos humores ibi accusare illis in mentem venerit, vbi nulla exuerant bilis indicia in vrina se prodant; vnus igitur post alium, ac deinceps ferè omnes in acres biliososque

fosque humores Diabetis causam reiecerunt ; de quibus quidem nihil est ausus Galenus affirmare, qui fortè difficultatem subodoratus satis sibi esse putauit sedem præuè affectam in Diabete inuenisse; vitiosorum verò humorum naturam qualitatemque indiscussam relinquere . Quod si quis ad bilem in iecinore, vel in alia quauis corporis parte efferuescentem recurrat, is videat ne vel inuitus cogatur fateri Diabetem non esse renum propriam affectionem, & sic nobis Galenum illulisse suspicetur. Quare illorum placitis potius acquiescere nobis visum est, qui falsedinem pro Diabetis causa adduxerunt, quorumq; Aetius, qui Galeni mentem ubique propiùs attigisse videtur, Antesignanus est. Hic enim cum vitiosos humores in renibus impactos, vel eò confluentes Diabetis esse causam iudicauerit, in eiusdem affectionis curatione ea præcisè exhibenda esse monuit, quæ falsuginosos humores diluant ; ac proinde à *Thoma Campanella in suis Medicinalibus* rectius quid de Diabetis causis sensisse dicitur . Sic *Andreas Cesalpinus* falsos in renum corpore humores Diabetem gignere existimauit, & ab immoderato Crethami vsu ( planta hæc valdè falsuginosa est quam Feniculum marinum appellant ) enatum esse aliquando Diabetem, si quâ illi fides est, vel haberi debet, fidem facit *Amatus Lusitanus*. *Gulielmus Ballonius* 2. suorum *Epidemiorum* Diabetici cuiusdam meminit, qui etiâ Diabete

K

interijt.

interijt. Huic, ut inquit, nullum commemorabile vitium aderat, quod sub obtutum caderet. Sed morbus partim sæpe tunc illic oculos est, & sæpe suis est renum irritata facultate expultrice. Et hic morbus inexplicabilis ferè est; imo hepatis discepta & venarum, cum dispositione humorum nitrosa ac salsuginosa facile communicatur renibus. Nec duplicis causæ meminisse illum quis dixerit; nam qui nitrum salis esse speciem nouerit, is à sola salsedine, quod ille putauit, Diabetem prodire absq; dubio affirmabit. Sed non minimum est quod Rabbi Moyses ob Nili aquam salsuginosam frequenter in Ægypto Diabetem conspici scripsit. Verum cum huius recutiti autoritatem in dubium nonnulli reuocare videantur, ed quia Nili aqua probatissimis authoribus optima habeatur, ac siti sedandæ peridonea censeatur, placet hoc loco paulisper immorari, & illius sententiam diligenter excutere; nam si certis nititur fundamentis, non parum nostræ, & aliorum sententiæ autoritatis accedet, qui humorum salsedini Diabetis causam adscribimus. In aphorismis igitur quos ex Galeno vir iste collegit, postquam Diabetem ex Galeno attulit, hæc subiunxit. Neq; ego Diabetem vidi in his Occidentalibus partibus, neq; Præceptorum ullum vidisse audiui. In Ægypto autem decem annorum spatio quibus ibi egimus plus viginti vidi. Quod argumento est cum morbum in calidis regionibus sæpius fieri; nisi fortè Ægypto frequentior sit ob aquas Nili  
salsu-

*salsuginosas, quibus Aegyptij vulgo utuntur.* Hæc ille.

Iam si ille solus plusquam viginti vidit, multo plures ab alijs Medicis per vniuersam Aegypti regionem visos fuisse probabile est, multosque quotidie morbum quoddam absq; dolore fiat pauperes, ac Medicos proinde non semper vel opportunè aduocantes, hoc morbo interire. Verum licet de huius affectionis frequentia in Aegypto referenti fides haberi debeat, non tamen sic de causa quam adducit, cuius constare videbitur; præsertim cum hæsitanter de illa mentionem faciat, cum non absolute sed sic fortè fieri dicat. Imò cum Galeni, Senecæ, Plinij, aliorumque probatissimorum virorum autoritate Nili aquæ, ut dictum est, omnino salubres sint, ac sitim sedare aptæ, qua ratione Diabetem excitabunt, cuius naturam siti eaq; intolerabili constare certum est? cur potius si sitim sedant, non erunt Diabetis præsentissima ac præstantissima antidotus? quippe ablata siti Diabetes desinit esse Diabetes, & contra si salsedo Diabetis est causa, quæ poterit sitis in Diabete tolli ab usu aquæ Niloticæ cum salsuginosa sit? An igitur ut de causa à Moyse allata dubitare licet, sic de illius aquæ salsuginosa qualitate dubitandum erit? At vix credi potest per tantum temporis spatium in Aegypto degentem, in re quæ sensu iudice decernenda erat, hominem Philosophum ac Medicum, deceptum fuisse; multo minus decipere voluisse.

Quòd si non fuit deceptus, quomodo possunt coherere hæc, Nili aquam falsuginosam esse, ac sitim sedare? equidem crediderim ob Ægypti terram feruidam & in ipsa Æthyopia à solis radijs quàm maxime exustam Nili aquas illhac prætereuntes, ac potissimum ibidem stagnantes nonnihil falsuginosi contrahere, atque eius rei gratia sæcundas ac sætiferas esse in Ægypto fèminas, atq; ad id Poetas sub fabulæ inuolucro respexisse, dum ex salo Venerem ortam esse commenti sunt; ac propter eandem rationem qui inter ceteros in Venerem plurimum proclives sunt, salaces appellatos esse. Certè excoctam esse Nili aquam & ratio suadet, & scribentium autoritas confirmat. *Hieronymo Cardano in libris de subtilitate* Nili aqua dulcis dicitur; *Seneca in Quæstionibus naturalibus* dulcior; *Scaligero in exerc. adu. Cardanum* dulcissima. At dulce ad falsuginosum via est & quamvis non crediderim hos viros de vitiosa, idest de manifesta dulcedine loquutos fuisse; de aliquali tamen dulcedine quæ suauitatem aquæ conciliare valeat absq; dubitatione intellexisse illos censendum. Vnde igitur dulcedinem ac suauitatem acquisiuit? aut celi aut soli causa talis euasit; siue aut cælum siue solum affirmes, aliquid de suo vel cælum vel solum illi dederunt. Sol coctionem præstitit; at quæ coquuntur inter coquendum falsuginosa fiunt. Nec minus à solo dulcedo hæc quæ ad falsedinem quodammodo accedit, petenda

petenda venit. Quare solum quoq; ipsum accusaverim, ut pote subsalsum; ac modice salsum plurimo humido insipido mistum quandam dulcedinis speciem parit; sic Bætis in Hispania Guadalcanir vulgo dictus fluuius Auerroi admistionem quandam salis habere dicitur, licet manifeste non sentiatur; tales namq; sunt aquæ qualis terra per quam fluunt. Sed & Plinius, & Strabo falsuginosam esse Nili aquam concedent, cum ubiq; per Ægyptum salis fossæ, & nonnullis in locis quos Nilus alluit propè sint salis montes, & alibi Plinius ipse nitrosam esse eandem fateatur. *Boterus 3. suarum Relationum* sic scripsit, *Alueus Nili ut plurimum falsus percipitur*, quin itaque falsuginosa sit Nili aqua, ut Rabbi Moyses testatur, dubitandum non est. Si itaq; ad assiduum illius aquæ vsum praua quoque quæ ad gignendum Diabetem conferat, victus ratio accedat, hominesq; proximè ad hanc affectionem dispositi sint, quò minus Diabetes inde sequi valeat nihil obstabit. Sitim quidem haud aliter ac spiritus salis arte chymica elicitus & plurimo humori mistus sedare poterit, alia verò ratione corpora ad Diabetem disponere; nam cum non diù, secus ac aquæ crudiores faciunt, hæc in ventriculo immoretur, sed ad vrinæ vias properet, sensim ad faciliorem vrinæ transitum atq; ad attractionem naturam renescq; disponet, ut sic eorum voluptati primum, ac deinde necessitati satisfiat. *Gulielmus Fabricius Hilda-*



*Hildanus* Medicochirurgus insignis Diabetem ab usu acidularum Griesbachensium enacum esse refert *centuria quinta suarum Observationum*. at ex chalcanthi minera illæ prodeunt, ipsumq; chalcanthum *Matthiolo teste in quintum Diosc.* non solum ferri atq; æris, sed nitri salisq; fodinas sequitur. Ex his omnibus satis manifestum est non sine falsedine Galeni Diabetem fieri, cum præterea pauci sint qui falsedinis in Diabete non meminerint, nemo qui illum excluderet. An vero ut mineralia hæc falsedinem renibus imprimere valent, sic ex vegetabilium familia aliqua reperiantur eundem effectum producentia, dubitari potest: etenim Diureticorum usus quotidie frequens est, ac tutus proinde esse videtur; multa namque reperiuntur quæ eò usque urinam ducunt, ut etiam sanguinolentam ducant, nec tamen inducere Diabetem visa sunt. Contra ex Amato Crethamuni in medium adduximus, & *Nicolaus Tulpus Amsterredamensis Medicus præstantissimus lib. 2. observat.* ob vini maluatici usum cum seminibus vriticæ potati, ab immoderato renum calore, imbecillitate, ut ille inquit, contracta, ac dissipato illorum tono, iuuenem quendam in Diabetem incidisse scriptum reliquit. At si quoscumq; insignes urinæ fluxus Diabetis nomine comprehendere velimus, ut *Hieronymus Capiuaccius* voluit, etiam ex vegetabilibus Diabetem licet nothum fieri concedemus. Causæ quidem istæ remotiores sunt quam  
 vt

ut Diabetem inducere queant, sed tantum serofos humores secernendo urinę materiam dabunt, quam renes etiamdum sani ac citra propriam læsionem hauriant: Sed satis de peregrina qualitate ex qua Diabetes oriendus est, dictum sit. Nisi quis adhuc instet, & falsedinem potius ad manifestas causas reducendam esse quàm ad peregrinam contendat. Nos peregrinam renibus fieri falsedinem intelligimus cum iam ad eum gradum peruenerit, ut renes eius vi serositatem vndique trahere cogantur, quæ iam illorum siti par esse queat. Nam de venenata quemadmodum Aretæus atq; ex illo Hollerius statuerunt, nihil nobis in præsentia constat, nec apud quemquam illius exempla legimus. Hollerius quidem venenatam aliquando qualitatem admisit, & venenum aliquod ex deleterijs huius accidentis causam esse posse. Verùm cum nullum ex naturalibus venenis, quod ego sciam, Diabetem inferre visum sit, & accidens hoc sæpe absque ullo doloris sensu, nullisque interim assumpti vel eiaculari veneni apparentibus indicijs hominem perimat, in hanc sententiam faciliè adducor; ut si hac de causa aliquando Diabetes sit ortus, ex veneno non suis natalitijs viribus, sed artificiali potissimum præparatione fabrefacto id contigisse credam. Quale autem esset venenum illud deleterium de quo innuere videtur, vel non nouit, vel si nouit iustis de causis reticere illi consilium fuit. Venena enim ac præfertim

fertim arte parata, vel præcauendi vtique gratia silentio inuoluere quàm docere, ac propalare tutius existimauit. Quid enim scire iuuat qua arte paretur venenum, cuius deinde efficacitatem nulla superare vel infringere valeant auxilia? profectò si hac ex causa Diabetes fiat, immedicabilis prorsus, ac duplici nomine rarus affectus habendus erit.

Vt denique aliquid dicamus de quibusdam affectionibus quæ Diabetem proximè imitantur, & per quas vesica quoque vrinaria in causam Diabetis venire credita est; non hîc omittenda est historia, quædam ex Gulielmo Ballonio in suis Epidemijs de affectu quodam Diabeti valdè consimili, de quo ille sic. *Affectus hic Diabetem multis ementitus est: causam ad renes referebant; Mortuis contracta planè vesica reperta est, cum gangrena, & tumore τερενός in capacitate ipsius vesicæ. Quod notandum est, ut ille monet ne quis decipiatur; at quamuis nulla renum præuè affectionum indicia Ballonius ipse ex dissectione perceperit, cum tamen Diabetis imaginem ob vrinæ ingentem copiam animo prius ille concepisset, valde suspicandum est vesicam ipsam superiorum partium vitio abundantiorẽ vrinæ quantitatem excepisse, atque ab illius falsa vel quomodocumque praua qualitate sensim vlcus & gangrænã contraxisse, & verum adiunctum esse vel præcessisse has affectiones Diabetem. Huius etenim affectio-*

nis manifesta indicia qualia Ballonius describit, in Perill. atq; admodum Reuer. D. Paulino de Bernardinis apparuere, cui per rara primum, mox per crebriora temporis interualla, non sine siti, in vesicam vrinæ plerumque aquosæ, cum lipothimiæ insultu, ac lethargicis affectionibus, & febre, insignis copia transmittebatur; & cuius non minore noxa læsam esse vesicam, dissecto cadauere, *autopsia* conspeximus.

Ex his porrò obseruationibus dubitabit aliquis an ad Galeni Diabetem constituendum vesica urinaria concurrat; nam cum illi non desint cuiusuis generis fibræ, quibus non solum contineat, atque expellat, sed etiam trahat, frustra his donata esse videretur si non traheret; trahit igitur, non quidem vt attracto nutriatur, cum venæ per illius ambitum disseminatæ sint, ex quibus alimentum capiat, sed vt serositatem quam à renibus accipit tandiu contineat, donec eam expellendi tempus adueniat. Non tamen quia attrahit, ideo vim eius tractricem in Diabete deprauari contingit; non enim vt à reliquo corpore renes, ita à renibus vesica per Diabetem trahit. Quòd si Galenus scripsit Diabetem esse renum vesicæq; affectum, id fortè dixit ad alterius facultatis ipsius vesicæ vitium potius respiciens, quàm ad ipsam vim tractricem; vel quia adeò exiguum sit quod illa trahit, vt respectu attractionis renum, pro nihilo vesicæ tractio haberi debeat;

L

quam-

quamquam ubi ex affluentium humorum vitio Diabetes fiat, fortè aliquod trahendi desiderium etiam in vesica superesse posset; eodem nempe affluentium humorum vitio urinam usque in vesicam comitante, qua quidem ratione non simpliciter urinam, sed ut talem urinam traheret; neque id mirum videri debet, quando odorem, & saporem eorum quæ bibuntur non rarò per Diabetem urina referat. An verò ut odorem saporemque refert, ita quoque assumpti potus colorem representet, & non mutari potus qualitatem in Diabete quomodo sit intelligendum, paucis disquirendum est: nam si de omni qualitate ac præsertim de colore dictum intelligi debeat, id fortè Diabeti accidere præter eius naturam dixerò; cum admodum rarò appareat in Diabete color qualis utique est eorum quæ bibuntur. Imò quò magis ad incrementum ac vigorem morbus properat, eò magis ad aquæ naturam accedere urina videatur. Nisi enim aliquid aliud accedat quod præter celerem urinæ exitum Diabeticos urgeat, rarò assumpti potus colorem servabit urina. Quo enim in loco, & qua ratione vinum vel rubrum vel nigrum colore per sanitatem spoliatur, ibi & propter eandem rationem spoliari conveniens est per Diabetem. Hoc autem non accidere in ventriculo vel ebriosorum vomitus convincit; quando vel in crastinum usque retentum, quo colore bibitum est, eodem sæpe vomitione reijcitur.

reijcitur . Non sic vbi ex pyloro excidit; ibi enim chylus ex acido fit falsus , & ab ipsa falsedinis vi fit sequestratio crassioris partis cui color inhærebat. Aquea igitur pars quæ exinde cruori miscetur omni vt plurimum colore destituitur; & nisi ob aliquod naturæ erratum, puta, cum sanguis vel alterius humoris ichor cum vrina permisceatur, vt per hepatis ac renum imbecillitatem ac per Ictericam contingit, nullum alium præterea colorem vrina induit, quàm quem à separatione stercoraceæ portionis sortitur, in qua plus minusuè coloratur prout excrementi conditio tulit. Nec vinosa, quam vocant, vrina quemquam decipiat; nam non ex vino illa prodit, verum talis quandoq; apparet, licet raro, nulla suspitione Diabetis . Quod igitur scribitur non mutata prorsus qualitate ita accipiendum est; vt tam citò separetur ab excrementis quæ vrinæ colorem tribuunt, vt illa nec rubra, nec rufsa, nec flaua nec alterius coloris particeps emingatur, sed aquæ instar profluat . Neq; verò serositas quæ cum chylo per lactea vasa nuper à Recentioribus deprehensa in renes feratur, aliter Diabetem fieri arguit quàm Antiquiores credidere; non enim vt Pecqueto visum est tota chyli materia per ea vasa relicto iecinore decurrit, sed vt Thomas Bartolinus Anatomicorum Coryphæus ostendit; crassior eius pars in iecur amandatur, vel à iecinore trahitur, quæ cum in Diabete æquè trahatur, vias hu-

cusq; cognitas haud escludere videtur, quamuis palinodiam canat, & Pecqueto assentiens iusta iecinori, quem rediuium fecerat, persolvere voluerit, sed Riolani iudicium de hac inconstantia viderit; nam de qualibet re asserere vel negare verum est, non autem asserere & negare, præsertim cum de rebus quæ sensu iudice percipiuntur sermo habeatur. Præterquamquod si vasorum lacteorum tenuitas atq; anastomoses, quæ per puncta vix perceptibilia, fiunt attente considerentur, non minori difficultate serum in renes vsq; percolabitur, quàm si per venæ cauæ ramos in emulgentes corruetur.

Iam cum viderim Viros in arte cèlebres Galeni Diabetem cum Diabeticis Aretæi affectionibus, quæ tamen à Galeni Diabete longè distant, nonnumquam confundere; rursus hoc loco monendus mihi venit minus exercitatus lector, in cuius gratiam hanc tractationem institui, ne nominis equiuatione decipiatur. Galenus enim cum sæpius viderit, vt probabile est, morbos acutos vrinarum multitudine iudicari, ac non rarò vel in ipsa crisi ob immoderatum morbificæ causæ motum, atque ob summam ægrotantium imbecillitatem ægros ipsos è vita decedere, & contra bis tantum à se visum esse Diabetem scripserit; Diabeti, qualis ab ipso describitur, affectiones ab Aretæo in medium allatas adscribendas non esse, si loqui posset, absq; dubio statueret. Verum nominum penuria factum est,



est, vt plures sub vno nomine affectiones comprehenderetur; idq; facile vsus obtinuit, quoniam licet affectiones inter se discrepent, accidens tamen, cuius causæ sæpe ex aduerso pugnant, idem omnino est; vt hinc pateat inter Galenum & Aretæum circa Diabetis originem, causasq; nullum conciliationi locum superesse. Hoc nihilominus haud ignorandum est Diabeticas Aretæi affectiones sæpius medentibus occurrere, quàm Galeni Diabetem, & ab illis nonnumquam ægros cónualescere, quod per Galeni Diabetem vix, ac ne vix quidem contingit.

Iam quoniam Diabetes aliquando inter acutas, nonnumquam inter diurnas affectiones enumerandus venit, quæret forte aliquis, an eadem causa quæ acutam gignit affectionem, diurnam afferre valeat; & contra quæ diurnam infert, acutam gignere possit: cui quidem quæstioni non sine distinctione respondendum est; nam quæ cum febre acuta fit, diurna esse non potest; etenim vbi febris adest acuta, atque illi Diabetes symptomaticè vel per modum perturbatæ crisis adiungitur, diurnam esse affectionem nec morbus patitur, nec accidentia ipsa permittunt. Qui verò Diabetes à praua humorum affluentium qualitate prodit, diurnam vel acutam creabit affectionem, prout magis vel minus humores prauitatem induerint. Si enim ad extremam malignitatem peruenerint non diu

diu poterit natura illorum malitiam tolerare, sed quo semel impetu morbus ægrum adoritur, eodem hominem citò conficiat, necesse erit; tantum autem ad diurnam affectionem accedet, quantum humores affluentes à malignitate recedent. Cum vero per frigidam humidamque causam, renibus adhuc sanis serositas exundans partim trahitur, partim ad renes expellitur, eiusq; assidua generatio fit, vt per hydropem accidit, non nisi diurna erit affectio, secus autem si colliquatio à causa calida eueniat; tunc enim siue colliquatio Diabetem præcedat, siue sequatur, acutam inducet affectionem; quod etiam continget vbi renum immoderatè trahentium vitio Diabetes oritur; citò enim serositas omnis exhauritur, viresq; citò collabuntur. Nisi igitur interdum causæ inter se commisceantur, non ab vna eademq; causa modò diurnus, modò acutus Diabete expectandus erit; sed ex alijs quidem acutus, ex alijs verò diurnus prodibit. Sed cum hæc ad prognosim pertineant, ne eadem repetere cogamur, opportunum erit reliqua ad prognosticum spectantia hoc loco prosequi. Diabetes quàm sit sanatu difficilis inde colligi potest, quòd Ludouicus Duretus inter sui temporis Medicos Vir celeberrimus inq; artis operibus exercitissimus neminem Diabeticum sanari scriptum reliquerit; quod tamen nec de omni Diabetis specie, nec de incipiente dictum esse censendum est.

Diabetes

Diabetes quidem renum malè affectorum causa primitùs inuadens, & cui vis tractrix prauè affecta occasionem tantum dederit, vt Galeni placitis inhærentes arbitrantur, licet nulla arte sanabilis nulloq; auxilio superabilis videatur; attamen non omnino naturâ, sed ex accidenti fit insanabilis: eatenus namq; sanationis incapax Galeno reputatur, quatenus non nisi perfectò iam morbo ab ipso ægrotante, quod sensim ac citra dolorem fiat, dignoscitur; quo nempe tempore breui temporis tractu serositas omnis qua data porta ruit, & renes ipsi affluentem serositatem non amplius retinere valent. Illum quoq; qui per acutas febres ægros corripit deploratæ esse spei certum est, quando nec ipsa febris quæ vel præcedit vel comitatur Diabete sanabilis est; Si enim ibi sanationis spes aliqua affulget, vbi ægrî vires morbo superiores extiterint, quæ superesse spes poterit viribus ex indefinienti vacuatione collabentibus, ac Diabete febris acutæ motum insequente, quæ nullas dat inducias, & non minus perneciter quàm perniciosè sua percurrit tempora? Quod si symptomaticè superueniat, morbi malignitas inde argui potest, in quo non expectata concoctione materia turgēt ac furit, atque morbi exitum eius naturæ portendit, cuius ab ipso ortu prænuncia signa extitere. Ancipitis conditionis censenda erit affectio, si procedente vterius morbo, crisis facie se se Diabetes offerat.

Quid

Quid enim tunc Medico agendum erit, cum par impendeat periculum, siue materię motum cohibere studeat, siue naturę conatum spectator vacuus attendat? & tamen haud negandum est ab immoderata superpurgatione quę per crism fiat, atque proximum ægrotanti exitium minetur, ægrum ipsum, licet admodum rarò, aliquando superstitem fuisse: at si Diabetes ex colliquatione à causa calida, quod per febres quasdam malignas contingit, oriatur, non modò curationem non admittit, sed superioribus affectionibus ob id deterior haberi debet, quod in illo præterea colliquatio accesserit. Qui autem sine febre sit, licet cum aliqua colliquatione fiat, cum tamen frigidam atque humidam à principio causam habuerit, & sensim segniusque progrediatur per sua tempora, si diligentem atq; industrium Medicum nactus fuerit, superari atque abigi poterit; quod experientia ostendit in hac Diabetis specie, quę frequentius accidit, atque hydropi, respectu causę affinis est. Medium locum tenet Diabetes, quodad spem sanationis, qui ab humorum affluentium vitio initium sumpsit; nam nisi humores omninò pravi sint, & morbus ultra principium non valde progressus fuerit, quin salus expectanda sit dubitandum non est. Ultra principium verò progeßum esse vrina ipsa præcipuè ostendit, cum iam omnino cruda est, & ad aquę consistentiam accedit. At quicumque curatrices

Diabetis

Diabetis indicationes, non distinctis illius speciebus, à Galenico Diabete eruere conantur, eos non parum decipi necesse est; nam cum non ab vna eademque causa Diabetes perpetuo oriatur, sed modò vnam, modò aliam *ὡραίων* affectus habeat, non vno, eodemque auxilio contra morbum perpetuò eundum erit. Profectò dubitandum non est quin Aretæus qui multiplices huius affectionis causas adduxit, ad eas quoq; pro illarum discrimine, respexerit, atq; vniuscuiusq; causæ remedia opportuna præscripserit; verùm cum secundus eius liber de curatione diuturnorum morborum mutilatus ad nos peruenerit, eiusq; initium desideretur, in quo de Diabetis curatione verba facienda erant, hunc nobis laborem reliquit; quandoquidem penè omnes qui post Aretæum scripsere ad Galeni tantummodo Diabetem curationem direxisse videantur, vno Aetio excepto, ad cuius manus integer Aretæi liber peruenisse videtur; ex quo nonnulla desumi poterunt quæ in rem præsentem faciant si attentè considerentur. Ab ipsius itaq; Aretæi affectionibus exordienti sese mihi primo loco offert Diabetes quem criticum vocavi: circa quem notandum est Nicolaum Pisonem non bene assequutum esse Aretæi mentem; dum eius ortum ab aliquo renum acuto morbo in renibus firmato, eoque per crîsim terminante, præter Aretæi intentionem pendere scripsit. Supra enim ostensum est

non posse tantum serositatis ex renum morbo per  
 crisim prouenire, quantum ad efficiendum Diabe-  
 tem requiritur; sed à morbo alibi orto qui per cri-  
 sim, transmissa ad vrinæ vias serositate, in renes im-  
 petum fecerit. Dupliciter autem considerari po-  
 test affectio hæc, vel quatenus tota, quæ morbum  
 faciebat, materia nulla mala qualitate imbuta,  
 confertim per crisim excernitur, vel quatenus ali-  
 quod malignum virus latenter in ipsa serositate ex  
 morbo remansit. Si sola serositas ad vrinæ vias,  
 criticè, absque praua qualitate transmittitur, cum  
 id fiat in morbi vigore, & nondum æger ad sum-  
 mam deuenit imbecillitatem; spes erit transacto  
 fluxionis impetu, ægrum euasurum esse: at disci-  
 men quod impender, ex illius motus celeritate ac  
 violentia pendet; potissimum si virium imbecilli-  
 tas adsit. Vitabitur verò manifesta qualitate af-  
 fluëntis humoris emendata; non tamen aliò quàm  
 quò fluere incepit, auersâ: in hoc enim præcipue  
 à Diabete ex alijs causis prodeunte Diabetes hic  
 differt. Qualitas autem cum acuti morbi mate-  
 riam sequatur, in excedente calore vt plurimum  
 posita erit: at non alia ratione quàm moderatè re-  
 frigerantibus inhibenda veniet, non seruato æqua-  
 liter opposito intemperiei gradu; nam excedens  
 frigiditas quæ alioquin excedenti caliditati debe-  
 ret opponi, naturæ motum sistere faciliè posset, in  
 quo ægri salus reposita est: parti tamen vnde trans-  
 missionis

missionis initium oritur tutò aliquid applicari poterit exterius, quod immoderatam caliditatem aliqua ex parte coerceat, ne cum eo quod vtiliter expellitur, etiam quod vitæ necessarium est simul excernatur. Quod cum obseruandum sit vbi materia in tumoribus contenta ac iam purulenta vacuationem postulat; multò magis memoria tenendum erit vbi vtilis quoq; materiæ vnà cum ea, quæ toto genere præter naturam peccabat, effluxus timeatur. Quæ verò sit pars cui exterius prospiciendum sit, ex morbis quærenda erit per quos eiusmodi crises fieri solent, de quibus iam antea mentio facta est; habita semper ratione partium, nè proprium robur amittant. Sic vbi pleuritis vel peripneumonia præcesserint, thoracis regionem oleo rosaceo, violato, nenupharino inungere tutum erit; iecur verò si febris ardens, cicoreæ & lactucæ succo, potius quàm renes fouere; ne scilicet vis illorum tractrix impedita affluentem serositatem trahere desinat. Si verò serositati labes quæpiam venenata iuncta sit quam per morbos contraxerit, tunc res ægrotantis in accipiti erunt, & vix æger euadet; non tantùm quia cum praua qualitate vires validæ esse nequeunt, sed ob id etiam quoniam in itinere vrinæ vias ac renes præsertim inquinare potest, ibique vitium gignere; vnde affectus qui transmissione tantum constabat, attractione demum fieri quoque incipiat; vix autem continget



hanc expulsionem criticam cum venenata qualitate iungi, quoniam prava qualitas haud expectato concoctionis tempore, symptomatico more naturam ad excretionem stimulare solet; ex quo quidem motu ipsa prava qualitas innotescet. Nulla igitur tunc vel saltem non præcipua manifestæ qualitatis habita ratione, non omittenda erunt præsidia quæ pravam retundere valeant; in quem quidem usum nihil theriaca veteri, vel mithridatica antidoto præstantius excogitari poterit. Egri interim viribus prospiciendum erit optimo alimento, quod quidem tutò fieri poterit, si motus ad criticum potius quàm ad symptomaticum accedat, cum in critico iam præcedentis morbi declinatio instet. Ptisanæ cremor ex iure pulli, ipsaq; pulli caro, vel vitulina contusa præberi poterunt; ouaq; recentia sorbilia, tum iuscula ad gelu redacta, etiamsi ex vino generoso parata sint; collabentibus enim viribus vires ipsas tuendi omnibus alijs indicationibus præualet: sic & odoratis aquis vino maluatico permistis, ambra, & moscho additis, ad recreandos spiritus pro odoramento vtendum erit; vt si fieri possit æger lypothimiæ ac mortis periculo subtrahatur.

Notandum tamen est nonnumquam post aliquem acutum morbum Diabetem subsequi, non quidem in ipsius morbi vigore, neque in declinatione, sed paucis post diebus; qui certè Diabetes  
ad

ad criticam motionem referendus non erit ; sed noua prorsus erit affectio, atque eò omni alio Diabete deterior quò ex priori morbo delassatum, ægrotantem, inueniet. Huius exempla Vidus Vidius, ac Victor Trincauellius exhibuere, quæ quidem funesta extiterunt; quando per ea satis paruie naturam non potuisse per antecedentem morbum ab humorum sarcina qua præmebatur, exonerari; inenitabilis verò calamitas est inexpectati morbi insultum præcaueri non posse, nullumq; aduentante iam morbo curationis locum superesse. Ioannem Riolanum qui criticas, & pseudocriticas istas expulsionem nothi, at non veri Diabetis nomine vocari iussit, hîc reclamantem, & nullo pacto per Diabetem criticum accedere sitim statuentem audio. Sed cum affectio hæc per acutos morbos fiat, ac in eorum præsertim vigore, vix absque siti fieri poterit, saltem ob siccitatem quæ ex nimia vacuatione succedit; & Brigidæ Martini exemplo, quæ critico hoc Diabete à pleuritide laborauit, id confirmare possumus, cum valde siticulosa fuerit, ac ex abundanti. Aretæum ipsum Riolano opponam, qui fortè critici potius Diabetis rudimenta vidisse potuit, quàm absolutum Diabetem vt Aretæus; vel de siti Riolanus intelligit quæ ob falsedinem fit, & Galenicum Diabetem præcedit, non autem de illa quæ has Aretæi affectiones subsequitur ratione vacuationis. At Diabetes qui ex colli-

qua-

quatione oritur pro causarum diuersitate diuersa requirit auxilia; cum enim modò ab ingenti calore, modò à frigida, & humida intemperie proueniat, nunc calidis, nunc verò frigidis remedijs illi occurrendum erit. Rursus cum intemperies ex qua colliquatio originem ducit, non vnus eiusdemque partis vitio perpetuo nascatur; non sine distinctione curatio aggredienda erit. De frigiditate cui comes esse consuevit humiditas primum dicemus; nam Diabetis, qui ex caliditate colliquante prouenit, cum valde sit affinis affectioni Diabeticæ quam Galenus tradidit, vnà cum illa instituetur curatio.

Affectio autem de qua loquimur, multa cum κακῆλα atque incipiente hydropo videtur habere communia: quæ cum non semper lethales sint, sed nonnumquam si tempestiuè subministrantur auxilia remedijs cedant; sic & vrinæ profluuium, hac de causa suscitatum sub docto ac sedulo artifice quandoque exterminabitur. Affectiones quæ causæ adhuc inhærent, & præseruationem & curationem postulant; nam quousque colliquatio perdurat, frustra profluuium sistere conabimur: durabit autem donec partes corporis quarum culpa colliquatio oritur intemperie laborauerint. Vt verò intemperiem facilius emendemus, quæ iam genita est serositas è corpore expellenda est; per quas autem vias expelli debeat, non ita facile est decernere; cum enim materia huius morbi tam ad hydropem

dropem quàm ad Diabetem inferendum parata sit, vix præcaueri poterit hydrops; nisi valentior vrinæ motus qui iam adesse cepit, hydropis metum auferat; & contra nisi compescatur vrinæ cursus Diabetes insanabilis dubio procul euadet: iure igitur hæsitabit Medicus, & quò te vertat haud faciliè inueniet. Eadem ratio in tollenda obstructione militat, cum æquè dubium videri possit, an ad aluum, an ad vrinæ vias obstructionis materiam ducere conueniat. Prudentis ergo Medici officium erit naturæ motum attentè considerare, & non tantùm qua via, sed qua ægrì tolerantia serositas effluat; nam licèt affectio reuulsionem requirat, attamen si fluente vrina meliore loco res ægrì esse incipiant, non protinus ad aluum ducere oportebit serositatem. Verùm si irritò conatu, & absq; fructu natura moliatur euacuationem, tunc ad aluum ducenda erit. Etenim sic Diabeti resistetur reuulsionem, & imminenti prospicietur hydropi vacuationem, & cum nihil obftet quin serositas absq; vlla præparatione, vtpotè tenuis ac faciliè mobilis, commodè educi valeat, hydragogis vel per initia incunda erit purgatio: ea verò eligenda quæ præterquamquod serositatem vacuandi vim habeant, facultates naturales quoque roborent; in quem quidem vsum, non elaterium, non iridis succus, non esula, non brassica marina, multo minus chamælæa, thymelæa, vel gratiola vtpotè naturæ inimica,

inimica, & quæ cum torminibus prauisq; accidentibus nihil plerumq; quod consideratione dignum sit detrahant, exhibenda sunt. Habita ergo virium ratione tutius & commodius Mecciochanna & Zallappa vtendum. His enim medicamentis quibus Antiquitas caruit, & quæ nobis India mittit Occidentalis, nonnullos Diabetica affectione iam correptos, ne in deterius laberentur per plures annos tuto ac placidè præseruauimus. Horum puluis ex vino generoso propinetur, aut eorundem infusio, addito mellis scyllini momento, nè omnino serositati ad vrinæ vias excludatur iter; quod hac ex causa Diabete laborantes, experientia teste, maximè iuuat. Peracta purgatione ad tollendas obstructions quæ sæpe naturalem calorem opprimendo imbecillum reddidere, & simul ad corrigendam partium intemperiem accedendum est. Harum obstructionum sedes vt plurimum in iecinore, ac citra iecur consistere solet; ac tam per ea quæ interius assumuntur, quàm per ea quæ exterius adhibentur debellari poterunt. Interius Dialacca & Diacurcuma primum tenent locum; vtramque enim vim sortita sunt & deobstruendi & calefaciendi iecur; nec ab illarum usu nos detertere debet, quòd in earumdem compositione nonnulla admixta sint quæ vrinam moueant; vt enim vomitus vomitum curat, sic valdè probabile est educa, etiam per vrinæ vias serositate, materiam morbo subripi,

subripi, præsertim dum eodem tempore egregiè  
cauetur nè noua ferolitas gignatur. Interim alter-  
nis diebus ad eniementa quæ Medicorum vulgus  
enemata perperam vocat, recurrendum est, ex de-  
coctione radicum & comarū ebuli, corticis media-  
ni sambuci, frangulæ, foliorum persici, camemeli  
genistæ, & si placet iridis ac brassicæ marinæ; qua-  
rum rerum tutior vsus ac minus molestus ex inie-  
ctione quàm ex potione esse solet. Quod si potius  
quàm obstructio, frigida & humida viscerum intem-  
peries negotium facere videatur, ad ea quæ sensim  
& absque molestia exiccant properandum est; vt  
sunt ex mineralibus pulueres quidam qui eam vim  
possident, & superuacaneam humiditatem ebibant  
atque absorbeant, ipsaque viscera roborent, ne in  
posterum tali redundantia occasionem præbeant;  
vt diuturnus vsus antimonij diaphoretici, vel pul-  
ueris Petri Poterij Iatrochymici versatissimi, quem  
croci metallorum appellatione felici euentu in si-  
milibus casibus dilaudat, & cuius non semel aut  
bis, sed sæpius euidenti cum vtilitate ægrotan-  
tium, experimentum fecimus. Quod pertinet ad  
externa præsidia, hæc pro partium prauè affecta-  
rum diuersitate applicari debebunt. Cordi ante  
omnia prospiciendum; nam etiam si ex aliarum  
partium vitio colliquatio pendeat, vix fieri pote-  
rit quin cordi affectio communicetur; si non potius  
affectio primum corde, idest eius temperamento

ad frigidum dilabente, ceteræ partes eius inualitudinis participes efficiantur, & à propria temperie vnà cum corde recedant. At quamuis non multum spei malè affecto corde superesse queat; præmissis tamen electuarijs calefacientibus, vt diamar-garito, diambra, de gemmis, alchermes, aqua zina-momi, & alijs quæ cor ipsum veluti de propria læsione commonefaciant; etiam extrinsecus vino maluatico, vel aqua ardenti fruendum erit, eorundem electuvariorum speciebus admixtis, si fortè retardari possit exitium. Ijs quoq; cum certiore spe vtendum si ventriculus aut iecur in eandem calamitatem inciderint, cordis non adhuc expugnato robore; ventriculum quidem caragna, tachamacha, balsamo, oleisq; calidis arte chymica elicitis inungendo, nec minus iecinori superdando. Si tamen vniuersalis viscerum læsio adfuerit, ac tardiore gressu morbus Diabeticum persequatur, de promouendo sudore, vt Aetius ex Aretæo monet cogitandum erit; nec modus ab illo exco-gitatus displicet; quamuis si optio vel commoditas offeratur thermarum calidiorum, quales sunt nostræ de Corsena in agro Lucens, his potius fi-dendum. Victus ratio sic affectis ad siccum ver-gat, & penes primas qualitates ad moderatè calidum, optimæque substantiæ; nam eius naturæ sunt, atq; esse debent, quæ labantes vires restau-  
rent, & laudabiliorem sanguinem absq; multa se-  
rofitate



rositate gignant . Potus sit vinum generosum, non copiosè bibitum, sed neq̃ aqua dilutum . Nostria enim vina cum potius æquiucè vina sint, ad multiplicandam in corpore serositatem nata esse videntur . Si quis plura desiderat, authores adeat, qui quomodo cachectici, leucophlegmatici, atque hydropici in principio affectionis curentur ad longum docent ; ibi enim proluxius inuenient quæ in rem præsentem faciant . Vnum addam, si alijs minimè iuuantibus in arenam ægri descendant, quasi cum hoste ferocissimo dimicaturi, fortè in hac pugna deuictum videbunt hostem .

Ad Galeni Diabetem accedo ; ac de ea primum illius specie pertractabo quæ absq̃ febre fit . Huius verò affectionis sedem in vasis emulgentibus præcipuè posuimus ; quippe inde immoderatæ tractionis initium desumendum esse statuimus, vbi primum trahendi facultas oriri videtur : & cum benè valente animali vasa hæc secundum naturæ institutum serositati trahendæ primo loco dicata sint, ad ea primum spectare censenda erit affectio, dum præter naturam trahunt . Sed quamuis affectio ipsa vasorum emulgentium renumq̃ propria sit, nihilominus alibi eius causæ quærendæ sunt ; ne his neglectis in prædictarum tantummodo partium curatione laborem frustra infumamus : non tamen cum quibusdam Medicis qui ante Galenum scripsere, putandum est, ibi Diabetem esse collocandum,

vbi eius causæprehenduntur; in hoc enim decepti de sede Diabetis perperam illi senserunt. Cum autem duplex vasorum genus, venæ scilicet & arteriæ in renes ingrediantur, & vnumquodque illorum diuerso ex fonte serositatem trahant, si quis quærat æquali nè vtrorumque ope tractio fiat, an secus; plus ab arterijs in Diabete trahi cum Anatomicis respondebo; cum maior feri quantitas in arterijs quàm in venis secundum naturam contineatur. Supposita igitur Diabetis causa, vt iam demonstratum est, nempe vt à nimia serositatis falsedine sitis quædam naturalis in ijs vasis excite-  
tur, vnde ad attrahendum præter naturam insurgant, & tam cordis quàm iecinoris terrea atque exusta constitutio sit falsedinis causa, non tantum venas, sed & ipsas quoque arterias accusandas esse censeo; nam vt fluuiorum aquæ terræ quam lambunt & alluunt vitia secum manifestè rapiunt, sic de serositate sentiendum est. Prima igitur & præcipua indicatio quæ causam respicit, circa falsedinis remotionem versatur. Sed qua arte remoueri poterit falsedo, cum corde ac iecinore in eandem intemperiem vnde falsedo gignitur, dilabentibus, nulla remaneat in corpore pars quæ falsedinem corrigere valeat? si qua superessent viscera eadem labe non inquinata, haud aliter ac maris aqua per laudabilis terræ viscera pertransiens falsedine spoliatur; sic, vt puto, serositas in hominum  
cor-

corporibus falsedine spoliaretur. Nunc quando vniuersum penè corpus in falsuginem vergit, nulla alia ratio superesse videtur, quàm humidi insipidi admistione falsedinis vim retundere; quod fortè in morbi principio, antequam viscerum intemperies habitum contraxerit, consequi poterimus. Nulla igitur interposita mora, vbi quis rudimenta sitis perceperit, & absq; manifesta causa quæ vrinarum transmissioni occasionem dederit, paulò copiosorem vrinæ prouentum conspexerit; is de prædictarum partium siti naturali, & per consequens de tractricis facultatis irritatione timere debet, & non expectatis sæuissimi morbi vltterioribus indicijs sibi prospicere. Iam cum recentiores Medici affectionis huius curationem ex Aetio potissimum desumpsisse videantur, qui Galeni Diabetem cum Aretæi Diabeticis affectionibus confundit, & ideo non pauca sibi ipsi aduersantia, atque inter se pugnancia scripsit, (in quod quidem vitium illi faciliè incurrunt, quorum institutum est aliorum dicta colligere & in propria commentaria redigere) non sine distinctione quæ ille in medium affert, accipienda erunt. Diabetem qualis à Galeno describitur à principio capitis Aetius quidem affert; sed progressu sermonis sensim ad Aretæi sensum curationem maxima ex parte instituit. Distinguendum itaque illi fuerat inter Diabetem & Diaberem, non tantùm quia Galeni Diabetes interdum

dum sine febre fit, qua ratione inter diuturnas affectiones reponi debet, ac nonnumquam non sine febre, unde tunc inter acutas connumerandus venit; sed etiam quia pro diuersitate caufarum ex quibus vel ipsius Aretæi Diabetes oritur, diuersa curandi ratio instituenda erat; nam si vt à principio Aetius statuit, Diabetes sit diuturna affectio, quomodo curari debebit veluti febris æstuans, quam Græci Causon appellant? si verò cum febre fiat, ac tunc curari debeat æstuantis febris more, quis in tali Diabete vinum præbere vnquam audebit? Si Diabetes vitio renum fiat, & Paulo & Alexandro authoribus qui ad Galeni mentem loquuti esse creduntur, caliditas earum partium origo sit, vel comes Diabeticæ affectionis, quomodo sudoris prouocatio quam ab Aretæo accepit, Diabeti Galenico conueniet? Diabeticum in dolium includunt ad excipiendam euaporationem, ita, tamen vt caput extra dolium superemineat ad frigidiorē auram captandam, reliquum verò corpus totum calefiat; nonnè renes hoc remedij genere magis magisque incalescent, & morbi causa contumacior euadet? gloriatur quidem, Donatus ab Altomari se duos Diabeticos calidiorū thermarum vaporibus elcito sudore sanasse: at si de Galeni Diabete id credi voluit, credat qui vult; ex colliuatione ex causa frigida & humida cepisse illos laborare Diabete crediderim; sed Diabete qualis à Galeno

à Galeno supponitur correptos fuisse non credam.  
Ab Aretæo desumptum est remedium, qui de  
Diabete pertractans nusquam de renum læsione  
mentionem fecit, & longè aliam à Galenica af-  
fectionem, Diabetis appellatione designari voluit;  
cui quidem confitemur conuenire posse anteposi-  
tam eliciendi sudoris rationem. Duo supersunt  
examinanda quæ Aetius ex Archigene in medium  
adducit, quæ cum ex ipsius Archigenis sententia  
in morbi tantùm principio conueniant, ab his cura-  
tionem Diabetis ordiemur. Interim Galeni mo-  
rem hoc loco reprehendere aliquis haud iniuriâ  
posset; si tamen quia id ex consuetudine facit, idèd  
peccare minus crediderit. Solet enim vbi vel leui-  
ter antiquiores Medici aberrauerint, acriter in illos  
inuchi; si autem aliquid ad rem appositè scripse-  
rint, sententiam quidem recipere, nomini verò il-  
lorum parcere; vt solus videri possit qui vera atq;  
vtilia scripserit. Antiquiores ergo reprehendit qui  
aliarum partium quàm renum vitio oriri Diabetem  
existimarunt; de Archigene verò qui ante Gale-  
num ex vitiosis humoribus in renibus impactis oriri  
nonnumquam Diabetem tradidit, ne verbum qui-  
dem facere dignatus est. Atq; Archigenes quidem  
si non expressè, at saltem implicite Diabetem du-  
pliciter fieri voluit; & à vitiosis humoribus in reni-  
bus impactis, & ab eorundem exardescencia absq;  
prauitate. Quamobrem vtrique affectioni respec-  
tiuè

Atiue prospiciens cubiti venam in morbi principio secari iubet, atq; vrinam mediocriter cientibus vitiosos humores à renibus expurgare; Ac licet aliæ sint in eodem morbo curatrices indicationes, vt renum intemperiem corrigere, sanguinisque ac serositatis motum compescere; attamen quoniam prædictæ ceu præseruatiuæ & causam respicientes in morbi principio conueniunt, primo loco prout ab Archigene propositæ sunt, in disquisitionem venient. Quod itaque spectat ad venæ sectionem, ea licet in ipsius morbi principio, vt Archigenes iubet fieri debeat, non tamen sine præmeditatione instituenda est. Quippe cum sæpius sola serositas ad vrinæ vias trahi videatur, nulla sanguinis redundantia peccante, non ob sanguinis vitium sanguis mittendus esse videtur. Non etiam quia ex sanguinis missione totum corpus refrigeratur, idè mittendus est; nam præterquamquod missio sanguinis quæ sola refrigerandi intentione adhibetur, nisi ad animi vsque deliquium exerceatur, indicationi non satisfacit: ipse quoque Archigenes moderatè mittendum esse consulit addita etiam causa, quoniam in Diabete ob iugem copiosamque vacuationem citò vires collabuntur. Attamen si Diabetici corpus plethoricum sit ac præsertim si affectio vnà cum febre inuadat, à moderata sanguinis missione supersedendum non erit. Imò maiori cum spe atq; vtilitate ad mittendum sanguinem

nem uos accedemus qui tractionis causam originemq; maiori ex parte in vasis emulgentibus collocauimus; quàm qui solos renes in Diabete affectos esse voluerunt; non enim solius serositatis ratio habenda est ubi cum serositate sanguis vnà effertur, sed & ad ipsum sanguinem in iisdem vasis exardescentem respiciendum est: at tunc præter vacuationem qua morbificæ causæ portio demitur, eodem tempore reuulsioni operam dabimus; duplici ratione ægri rebus in ancipiti positis occurrentes, & renes ab imminente inflammationis periculo præseruantes. Si verò solius serositatis tractio fiat, & febris absit, ac paulò vltius ob ægri negligentiam morbus progressus fuerit; tutius erit hac indicatione prætermissa ad alias, de quibus infra dicetur, accedere; nunc enim de mediocriter vrinam cientibus in eodem morbi principio, quod erat alterum ex Archigenis monitis, dicendum. Eius igitur institutum erat hoc auxilij genere renes à vitiosis humoribus expurgare: circa huiusmodi autem expurgationem duo mihi disquisitione digna occurrunt; quorum alterum est, an per ea quæ mediocriter vrinam ducunt renes probè repurgari valeant: alterum an præter hanc expurgandi rationem ab Archigene propositam, ea quæ medicamento purgante sit, in Diabete conueniat. Quod ad primam pertinet si de mediocriter ducentibus vrinam nulla insigni quali-



tate imbutis intelligamus, repurgatio lata quadam significatione vsurpabitur; erit enim potius ablutio quædam quabilis feruor attemperetur vel falsi excrementi rabies demulceatur; atque hæc nobis qui humorum falsedinem Diabetis esse causam existimamus, tuta erit ac facilis; siquidem humore aqueo & insipido dulcescere salem experientia ipsa docet, ac sitim ob eandem rationem aliqua ex parte mitescere; in quem quidem vsum vrinæ multiplicatio procuranda erit, non quidem per diuretica, quæ nimium huic affectioni inimica sunt, sed per ea quæ cum aquea sint, & serositati gignendæ vel multiplicandæ accommodata falsedinis vim obtundere queunt. Sunt qui pro hac adimplenda Archigenis indicatione ad thermæ aquas bibendas accedere ægros iubeant. Verum nisi quis aquæ sponte nascentis, quæ in hunc vsum proponitur naturam exactè cognouerit, non video quomodo ægrotantibus recta dare consilia possit; cum relicta ratione confugere illum ad experientiam necessarium sit: quicumq; autem thermæ aquas hoc in casu laudant, medium quid inter repurgationem, quæ iam descripta est nempe per simplicem aquam & eam quæ medicamento purgante fit, eligere videntur; cum non abluionem & refrigerationem tantum, nec expurgationem, quæ medicamento purgante perficitur, amplectantur; sed extergendo atq; incidendo, hanc fieri velint. Plurimæ

rimæ verò reperiuntur ex his aquis quæ bibitæ ad  
urinæ vias properant, quas ubi de Galeni Diabete  
sermo fit ab usu reiiciendas esse existimo, eò quia  
calchanthi qualitates naturamq; vt plurimum re-  
dolent. Non me latet Vidum Vidium Villenses in  
agro nostro Lucensi scaturientes in Diabete dilau-  
dasse, tanquam ex ferri minera prodeuntes, vt an-  
tiquiores Medici omnes opinati sunt. Sed paulò  
ante nostra tempora Ioannis Baptistæ Donati Me-  
dici inter vrbis nostræ præstantissimos doctissimi,  
atque versatissimi industriâ, experimento habito,  
& inspecta interius per chymicas operationes illa-  
rum natura, deprehensæ sunt sale gemmeo, nitro,  
& rubrica sinopica imbutæ; vnde constat priscos  
illos medentes in fide parentum deceptos aliter  
ac se res habeat de his aquis sensisse. Attamen  
haud præter rem pro iecinore renibusque refrige-  
randis, extergendis, atque firmandis in vsum non  
minus ac si ex ferri minera scaturirent, ingenti cum  
utilitate quotidie assumuntur; ita vt etiam per ini-  
tia Diabetis admitti quadantenus possint; quam-  
uis, me iudice, tutius fuerit ablutioni humorum  
incumbere tantùm, atque ex censu plantarum  
refrigerantium atque humectantium elicitis vti,  
thermalibus verò ad Diabetis potius præseruatio-  
nem quàm morbo iam factò ad curationem. Vbi  
autem prædictæ indicationi locus detur, præstabit  
vti aquis destillatis ex cymbalaria, portulaca, gra-  
mine,

mine, soncho, violis, seminibus vesicariæ & similibus, quæ serositatem nulla diuretica facultate operante multiplicant, & salsedini quatenus refrigerant & humectant, resistere valent. Alterum erat an in Diabete medicamento purgante utendum sit, aliquando enim Diabetes fit humorum, peccantium vitio, qui præterfluentes renum vasorumq; emulgentium vim tractricem irritant; aliquando autem in ipsis renibus impacti sunt: præterea vel Diabete incipiente, vel iam ulterius cunte Medicus aduocatur, & sic vel vires constant vel iam deiectæ sunt; nec minus medicamenti materia examinanda, cuius ope purgatio ineunda est; si humores vel biliosi vel salsi in reliquo corpore & non in renibus peccent, absque dubio in Diabete purgandi sunt; nam frustra laboraremus affluentibus adhuc ad renes prauis humoribus: at si in renibus impacti sint cautè admodum ad expurgationem accedendum erit; & Ludouici Mercati consilium amplectendum erit, qui primo de indicationibus hæc habet; *In Diabetica passione tutissimum est consilium raro uti expurgantibus medicamentis, ne iccore ac renibus excalescatis intentius sitiat laborans & plus potet, & uberiores fluxiones concitet; lenientia verò medicamenta sæpius exhibere longè est utilius.* Præter hæc cum non nisi per ea quæ vrinam mouent renes expurgari queant, metus erit ne plus detrimenti ex incalescentia quàm emolumenti expurgatione

gatione succedat. At quoniam non sine harum partium expurgatione affectio remoueri potest, habita virium ratione, & morbi natura sic iubente, post retusam ac frenatam bilem si hæc negotium faciat, vel præmissis quæ falsedinem humorem aliqua ex parte cohibeant, ad ea demum accedendum erit, quæ substantiæ potius familiaritate quàm valida expurgandi vi humores vitiosos ab illis sedibus exturbare valeant. Rhabarbari dilutum ex vino albo tenui, vel ex prædictis aquis præscribi poterit; & cassiæ pulpa quæ medium locum inter purgantia ac lenientia retinere videtur; quippe cuius vis ad renes vsque extendatur, vt ostendit urinæ color ab illius usu mutatus. Syrupus quoq; ex rosis solutius conuenit, si modica quantitate assumatur; alioqui si paulò liberalius ingeratur, inter valida purgantia numerandus venit, vt Ludouico Septalio de cautionibus medicis visum est; & certè non minus siticulosos ægros reddere solet, quàm à valentioribus expurgantibus contingat, quod in Diabete apprimè vitandum est. Lenientia verò quod attinet ea ex cassia, manna, tamarindorum pulpa, passulis, prunisq; dulcibus, ac liquiritia constant, atq; ex his electuaria componuntur sæpius assumenda; quæ tamen quòd omnibus nota sint, libens omitto. His in hunc modum à principio dispositis, de refrigeratione partium affectarum ex quarum calore ac siccitate falsedo sitisq; pendent, cogitandū erit,  
tam

tam per ea quæ exterius adhibentur, quam per illa quæ interius assumuntur. Ac viscerum quidem fervorem, eorum præsertim quorum culpa sitis exoritur frigidis quoque exterius appositis sedari posse non dubitamus; imò naturali calore sub extranea caliditate languente per exterius applicita, quàm per ea quæ ore assumuntur, refrigeratio in Diabete tutius procurabitur. Cordis igitur atque hepatis regioni ex decoctione vel etiam ex succis herbarum quæ vim refrigerandi atque humectandi habeant, fortus adhibendi sunt. Quòd si non in his tantum sedibus mali labes, sed in toto corpore pedes fixerit; in dulcis aquæ solium Diabeticos mergere opportunum erit, in quo malvæ & violarum folia, papavera, nymphææ flores & similia incoxerint. Et nè contracta per balneum humiditas citò deperdat, oleo mox à balneo corpus totum inungere expediet. Utendi verò modum, Diabetici vires, morbi status, ætas, atque anni tempus decernent. Et quò minus pravis humoribus ægri corpus scatere videbitur, eò audacior circa balnei usum Medicus esse debet. Quamquam si vires constabunt, in morbo qui adeò pernicax est ut ratio medicis auxilijs auscultet, etiam corpora paulò impuriora, haud aliter ac per febres putridas ubi ex propinquo hæticam minentur, in balneum ducere utile erit: idque duplici fortasse compendio; nam si à balneo vomitus succedat, quod aliquando biliosis humoribus

ribus exundantibus succedere solet, non tantum refrigeratio corpori conciliabitur, sed ex vomitu reuulsionem habebimus, cuius non parua in hac morbi specie utilitas esse consuevit. Eodem itaque tempore quo prædictis indicationibus satisfacere studemus, scilicet sitis ac salsedinis causas abigendo, non minori studio ac diligentia reuulsioni incumbendum erit. Verum cum per sanguinis missionem, ubi morbi principium pertransierit, administrari reuulsio amplius nequeat, & sudoris prouocatio alijs Diabetis speciebus conueniat, non verò huic de cuius curatione nunc agimus; vnicum tantum superesse videtur auxilium, nempe ab vrinæ vijs ad aluum serositatem auocare: at quoniam serositatis ab vrinæ vijs auersio vix sine purgante medicamento fieri valet, & in hoc morbo, vt dictum est, purgatio parum tuta est: attamen ratione reuulsionis locum aliquem hinc habere posse censeo; cum aliquando prodesse visa sit, vt experientia cognoui. Meminisse tamen interim oportet de natura reuulsionis esse vt non semel aut bis, sed sæpius ac frequenter ad oppositas vel longinquas partes materia trahatur, vt quò illam trahere volumus eò sensim affluere, assuescat: at cum non liceat frequenter vti medicamento generoso, valentiora vitanda erunt, vel in parua quantitate exhibenda, & lenientibus permiscenda; sit exemplum zalappæ semidrachma,

ma, vel paulò plus electuario lenituo permista, aut simile quidpiam per interualla exhibitum. Effrænem verò vrinæ mißtum si per reuulsionem, compescere, vel retardare non liceat, idem Aetius monet, vt ad ea deueniamus, quæ siuè incrassando, siuè refrigerando, ac proprietate quadam stupefaciendi humores, illorum impetum cohibeant, ac sistant. Sed quid sperandum ab hoc auxilij genere non video; imò si Diabetici, vel punctum temporis à potu, ac mißtū inhi-beantur, vt Aretæus monet, cui non reluctatur experientia, ingrauescentibus accidentibus haud multò post mortem obeunt. Quare suspectum videri posset auxilium, atque eo minùs conuenire, si quæ sub finem capitis de Diabete Aretæus scripsit attendenda essent; Quæ tamen de commorlis à Dipsade Aretæus intelligi voluit, non de Diabeticis; si enim referenda essent ad Diabeticos, paucis lineis interiectis Aretæus eadem repeteret; quod eius breuiloquentiæ repugnat, præterquàmquod verba Aetij ab Aretæo desumpta, *si non mingant*, ineptè ad Diabeticos referantur; Si enim non mingant, quomodo Diabetici? Duplici tamen ratione fieri potest, vt ad sistendam fluxionem, atque ad stupefaciendum aliquando Medicus in Diabete accedat, videlicet, vbi nimium vigiliæ vrgeant, vndè vires collabuntur; vel si affectio cum dolore fiat, quod tamen per Galeni Diabetem rarò accidisse consexi, opio  
tunc



tunc vtendum , nullis præterea calefacientibus admittis , vt in Philonijs , ac Triphera magna ; sed vt Aetius , & ex Paracelso Libauius in annotationibus aduersus Michelium , simplici , vt Aetius laudat , vel cum vino maluatico extracto , vt ex Paracelso Libauius aduersus Michelium . Admifcent aliqui tam purgantibus & lenientibus , quàm electuarijs quæ aduersus Diabetem præscribunt , etiam nonnulla quæ adstringendi vi pollent , putantes nimirum vasa per quæ fluit vrina arte hac roborari posse . Quod quidem in aliqua Diabetis specie conuenire non inficiamur : at vbi vis tractrix vrgeret , ac veluti furere videtur , tantum abest vt adstringentia conferre queant , quin potius obesse deprehendantur : donec enim immoderata perdurat serositatis attractio , frustra retentricem roborare studebimus ; eò quia attractæ serositatis pondere grauata tantundem effundere cogetur , quantum tractrix suppeditabit . Vfus itaque adstringentium ibi conueniet vbi viscera humiditate scaudent , & colliquationem ea de causa portendunt . Præterea inter adstringentia quæ magis terrea sunt humorem non tantum ebibunt atque exugunt , sed etiam exprimunt : ac tunc quod exprimitur ad renes conuertitur , & inde vrinæ quantitas augetur . Vbi igitur glandes , castaneas , suberis corticem & similia , quibus ad arenulas calculosq; exturbandos vtimur , Diabeticis propinamus , non sine vbe-

riore serositatis prouentu hæc fieri putare debemus. Laxare ergo potius vasa conuenit vt rectarum fibrarum per quas attractio fit, robur exoluatur, quàm adstringentibus vti; eorumque vice dulcis aquæ balneo siccitati occurrere. Huc certè referenda sunt quæ Auicenna tradidit, & de Rege Neapolitanorum Alphonso Ioannes Patulus refert, ex vfu nimio scilicet malorum cydoniorum Diabetem aliquando ortum esse: nisi potius putandum sit verba illa, *ex vfu*, sic accipienda esse vt, *post vsum*, intelligantur, non vt ad causam necessario referantur; aliud enim est hoc fieri ex hoc, aliud fieri post hoc: profectò si ex ista causa Diabete aliquando sit ortus, nemo non suspicabitur in Galeni Diabete suspecta esse, quæ vim adstringendi possident; licet enim vnà cum deprauatione tractricis facultatis, imbecillitas adsit retentricis, quæ per se sola ab adstringentium vfu medicinam sentire posset hinc inutiliter adhibetur, vt dictum est. Quod si cum leui adstrictione refrigerandi vis copulata sit, cum maius emolumentum à refrigeratione expectari queat, quàm à leui illa adstrictione nocumentum; non ideo quæ modicè adstringunt proscribenda erunt, vt conserua rosarum, ribes, fraga item & si quæ alia qualitate hac imbuta sint. Sed hæc iam ad ciborum qualitatem pertinent, qui præter id quod refrigerent, incrassare etiam debent, vt mox dicetur. Sint igitur  
 etc-

electuaria ex refrigerantibus; siquidem salsedo soboles caloris est; & iecur vasaq; ipsa emulgentia, per hanc affectionem incalescunt; vnde vel pituitosis humoribus atque excrementis ne dum calidioribus salsedinem contactu conciliant. Talia vbiq; scripta reperiuntur, vbi calida iecoris intemperies curanda proponitur. At si affectio hæc aliquando cedere visa est, non tam medicamentorum ope, quàm accommodata victus ratione id contigit; de qua nunc pauca mihi dicenda supersunt, quatenus cibum ac potum respiciunt: nam reliqua quæ pertinent ad res quas non naturales appellant, vbiq; passim descripta sunt, & quoniam Diabetes siticulosa affectio est, ac potum in primis Diabetici appetunt, de potu primum dicemus. Huius porrò quantitas ac qualitas decernenda est, ne cum de aliqua tantum Diabetis specie loquentes authores percurramus, de omni intellexisse illos putemus, dum victus rationem præscribunt. Doctissimus Platerus cibo ac potu parce vtendum esse in Diabete scribit, & saltem quantum ad vires sustentandas sufficiat. Sed cum de summa siti mentionem faciat, frustra parcè bibendum esse monere videtur. Liceat mihi Aretæum imitari, qui de copiosa Diabeticorum mictione sermonem habens sic inquit: *Mictum verò quæ ratio suppresserit, aut quæ verecundia dolore potentior?* Sic ego de potu inquā; sed quis Diabeticus per

intolerandam sitim suaderi vnquam poterit vt par-  
cè bibat? Et verò si Platerus ad nimiam serositatis  
generationem respexit, vt in colliquatione à  
causa frigida & humida contingit, rectè victus ra-  
tionem præscripsisse videtur; nè scilicet adaucta  
causa affectio reddatur prorsus insanabilis, vel in-  
cachexiam aut hydropem æger incidat. Quo-  
niam igitur fieri nequit vt qui impotenter sitiunt  
à potu abstineant, permittendum illis est vt pau-  
lò abundantius bibant; eòque magis quò siticulo-  
sa hæc affectio non à qualibet serositate, vt dic-  
tum est, prouenit; sed ab ea quæ ex praua partium  
dispositione ad salsedinem renibus ac vasis emul-  
gentibus suppeditatur. Contra quæ ex opportu-  
no potu resultat, mirum in modum salsedinem di-  
luendo Diabeticis conferre queat. Non tamen  
in morbi progressu vt in principio ea in potu eli-  
genda dixerim quæ serositatem, vt superius dictum  
est, multiplicant. Verùm satis erit si potus sit ex mo-  
deratè frigidis, vt sunt aquæ ex borragine, buglof-  
sa, pimpinella hortensi, plantagine alijsq; simili-  
bus elicite; & si febris adsit etiam ex fonte de-  
prompta, atque actu frigida, tum verò maximè si  
æger aquæ potui sit assuetus. Poterunt quoque  
his admisceri quæ vim caloris temperent, sitimq;  
arceant, vt moderata pulpæ tamarindorum quan-  
titas, aliorumque prunorum & cerasorum acido-  
dulcium, & glycirrhizæ momentum. Nec omit-  
tendæ

tendæ sunt aquæ ex quorundam animalium carne  
destillatę quę refrigerandi, incrassandi, & quodam-  
modo sistendi vi polleant; vt quæ ex Ranis, Heri-  
naceo terrestri, nec non ex cancris fluuiialibus des-  
tillantur, addito hordeo decorticato, ac prædicta-  
rum herbarum folijs; non tantum vt inde maior  
aquæ quantitas commodius eliciatur, sed vt sit  
minus ingrata bibentibus: quod si diuturna sit af-  
fectio, ægerq; à febre immunis aut saltem mode-  
ratè febricitet, vino interdici minimè debet.  
nigrum illud & subausterum sit, consistentia cras-  
siusculum, frigida amplius dilutum ad falsuginoso-  
rum humorum, vt ait Aetius, prolutionem qui sitim  
inducunt; vinum enim vt idem optimè scripsit cor-  
poris miscellam ad dulcorem permutat; ac nihil  
melius ac citius vires recreat, quæ citò per hunc  
morbum vacillant. Si verò febris adsit acuta &  
vino vti non liceat; cibus optimi succi, atque ea  
quantitate quæ ægri viribus & morbo sit par, vi-  
res ipsę reparandę sunt: præstat verò inter cetera ea  
eligere quæ nonnihil crassi & glutinosi contineant,  
minimum verò serositatis. Sic caseus recens ac ci-  
tra salem compactus conuenit; & lac ipsum sero-  
sitate per silices ignitos, vel per chalybis frustula  
ademptâ. Conueniunt oua sorbilia, oriza, por-  
cellorum iuuenum carnes, eorumque partes ex-  
tremæ, cerebella item, & ea omnia, ex quibus  
diximus destillatione aquas esse parandas, iuscula  
pinguia,

pinguia; atque ut vno verbo dicam quæ torrido marasmo laborantibus exhibere solemus; cui quidem affectioni Galeni Diabetes ubi confirmatus fuerit, affinis esse consuevit. At si præceptum & acutus fuerit morbus, quæ artè tam remedia quàm victus ratio præscribenda sint ut inuenias laborandum tibi non erit. Nulla enim vnda talem sitim sedare potest, quæ ad lethæas occysimè ægrotantem deducit.

F I N I S.

SEBAST. PISSINII

Lucensis Med. atq; Patritij

EPISTOLA

DE POLYPO

CORDIS.



SEBAST. PISTINI

I. Lucilla Med. et Pharm.

EPICOLA

DE POLYPO

CORDIS



CAROLO ANDRIANO

Medico, atq; Phil. præst.<sup>mo</sup>

SEBAST. PISSINIVS

S.



OLYPOS in cordis sinibus enatos, atq; ibi ab Anatomicis reperi-  
tos, vbi nostra Ciuitas audiuit, hor-  
ruit illicò, atq; admirata est. Tu ta-  
men scis, CAROLE optime, nulla  
nos admiratione correptos fuisse, immo quæstio-  
nes ac problemata, quæ circa hanc rem fuere exci-  
tata, rationibus medicis ac philosophicis diluissè;  
quæ omnia cum postulasses vt non voce tantum,  
sed & calamo in minus peritorum gratiam repe-  
terem; ecce nunc breuiter, quantum quidem nos-  
træ permittunt occupationes, satisfacio. Si res,  
non rerum nomina, vt par est, attendantur, horro-  
ris atque admirationis causa protinus cessabit.

Q

Poly-

Polypus enim de quo nobis sermo est, non animal est, nec monstrum illud ingens è genere Polyporum, de quo Trebius Niger apud Plinium quinto Naturalis historiæ mentionem facit; immo nec pars corporis ex se viuens, sed pituitæ vel sarcomatis species, & à figura quam refert Polypi piscis sic appellatus: eandem dixeris figuram, eandemque substantiam si illum inspicias; interdum molliusculus & albicans, ac non rarò carneus ac duriusculus, & quandoque cutè intectus, ac filamentis quibusdam quasi pedibus præditus; quibus cavitatum parietibus vbi inhæserit, sæpe tenacissime affigitur; non enim pedibus semper mutilatus inuenitur, quod de Polypo pisce Oppianus scripsit. An incrementum capiat ab interno principio, vel adiectione impurius alimenti decernere nunc non est animus; vbi tamen radices egit haud aliter ac sarcoma auferere, suisque flagellis humores sibi proximos veluti exorbere consuevit. Morbus naso familiaris est, vnde propendens ligatur ac vi extrahitur, aut septicis absumitur, vel quod Polypo pisci accidit, sponte tandem tabescit. Nec mirum videatur si cutè sæpius obtegatur, cum ipsius pituitæ superficies caloris ope indurata in quandam cutis speciem transeat; vbi enim sicca aut humida miscella coalescit, vltimum semper cutis membranæ speciem recipit; vt Arist. 4. de part. animal. cap. 3. scripsit, & nos aliquando spectauimus

## De Cordis Polypo. 123

mus in ea molæ specie, quæ in vtero mulieris absq;  
 viri congressu coalescit. Hanc igitur pituitam  
 in cordis quoque ventriculis coaceruari non est  
*admirator*; siquidem adest ibi cauitas in qua colliga-  
 tur, & calor qui superficiem exiccare valeat: adhe-  
 rescere vero ventriculorum tunicis pituitæ viscide  
 familiare est; quod præter Polypos in naso nascent-  
 es, pulmones costis per eandem alligati sæpe sæ-  
 pius per dissectiones ostendunt. Frigidus vero ac  
 pituitosos humores in calidissimo viscere aliquan-  
 do reperiri docet Galenus in *libris de præfagitione*  
*expuls.* vt infra aperiam; & Nos in tractatu nostro  
 de cordis palpitatione moderati pulsus hanc cor-  
 poris cordis & humorum conditionem causam esse  
 cum Galeno ostendimus; celeritatem, cordis ca-  
 lore afferre conante, frigiditate autem tarditatem  
 moliente. Pituitosam igitur vel carneam hanc  
 excrescentiam nemo in artis operibus versatus ali-  
 quando non vidit; qui in alijs partibus, naso excep-  
 to, Polypum vocauerit, mihi adhuc non innotuit:  
 audio tamen ex Recentioribus quendam haud in-  
 fimæ fortis Medicum sic appellasse. Dicam sum-  
 matim, Res noua non est, nomen vero nouum,  
 duplici sumpta metaphora & à pisce Polypo,  
 & à Polypo quinaaso innascitur; licet Hippocratis  
 Polypi si quantum excipias, vno tantum pede consti-  
 tare videantur, ac sarcomatis potius quàm Polypi  
 species esse; vnde etiam si cirrhis pedibusuè in-

corde quandoque careant, Polypi tamen Hippocratis exemplo ob substantiæ potius,quàm ob figuræ similitudinem appellari possunt. Apud Schenchium plures extant huius rei obseruationes, & nos ipsi superioribus annis Polypum ( sic enim post hac appellare placet ) in cordis sinistro ventriculo, & carneas molas spectauimus; vt in nostris obseruationibus adnotauimus hac verborum serie. *Antonius Beniuenius in suo libello de abditis morborum causis mulierem nomine & genere Claram in medium affert, cordis dolore diu vexatam, cui nigrioris carnis frustulum in sinistro cordis ventriculo super arteriam demortuæ corpore inciso inuentum fuit.* Hæc Beniuenius. Nos mulierem alteram vidimus & nomine & genere similiter Claram ( *Clara Spada* ) quæ cum leui, vt videbatur, febre correpta decumberet, Medicos qui curationi præessent aduocauit. Sed cum neque in carpo, neque circa tempora, neque in alia quauis corporis parte micarent arteriæ; sed tantum manu sinistrae thoracis parti admota, subobscurus quidam cordis motus appareret; de eius salute actum esse pronunciauimus; & morbi causam, haud aliter ac si oculis ipsis illam intueremur, statim iudicauimus; huius enim ablati motus in ipso corde causam existere certum erat; cum arteriæ omnes motu priuari nequeant, nisi obstructo penitus principio vnde vis pulsatilis in omnes dimanat. *Ασπυξία* itaque laborans, anxia, tristis, & suspi-

## De Cordis Polypo. 125

& suspiriosa ad quadragesimum diem & ultra superuixit. Huic in sinistro æquè ac in dextro cordis sinu carnis frustula in placentulæ morem compressa reperta sunt, quæ totam fere ventriculorum capacitatem oppleuerant; vnde nihil mirum si attolli valentius ac subsidere arteriarum tunicæ non valuerunt. Ventriculorum parietibus non adherescebant, sed illorum cauitatem vt dictum est, pene obturauerant. Sanguinem natura crassum, melancholicum, pituitosum ac viscidum in cordis sinus longe antea effusum, in hanc carnem molli speciem abiisse paulatim necessarium fuit; subtiliore parte in halitum absumpta, & crassiore nulla arte inde exturbanda ibi relicta: quæ vbi concreuit, & cordis obsticit motui, & ipsum denique vitæ principium oppressit, ipsam cordis substantiam vitiatam quoque temperamento oblædens. Alteri vero mulieri (*Philippa à Porticu*) ex maligna febre decedenti per quatrimum & ampliùs ante obitum valentior cordis palpitatio superuenit; qua dissecta viscidam in sinistro cordis ventriculo pituitam, loliginem figura ac substantia, prorsus referentem inuenimus; sed quæ nondum eius ventriculi tunicis se se affixerat, licet maxima ex parte illum occuparet. Ex his itaque obseruationibus pituitam, crassosq; humores in cordis sinibus coaceruari, ac reperiri nonnumquam apparet; qui si non adhuc in Polypum euaserint, proxima

tamen ac naturalis illius causa existimari debent.

Iam si queras, an viuentē homine enatos in corde Polypos deprehendere Medici possint; an breui temporis spatio, vel paulatim & plurium dierum curriculo pituitosa hæc colluies in Polypum degeneret; an febre prius correptos esse oporteat quibus Polypi innascuntur, vel etiam citra febrem in corde oriantur; an soli mortem inferre valeant; & quanto tempore viuentē homine in corde immorari queant; ac demum qua ratione quibusuē auxilijs tanto malo sit occurrendum, nunc respondebo; hac tamen lege ne me, si non Oedipus ero; laceres atque vnguibus discerpas; sic enim à nulla detentus Echeneide, vel à Torpedine tactus ad ulteriorem Polypi disquisitionem alacrior pergā. A solerti itaq; Medico, ac Sphygmicæ artis perito, deficientibus alijs indicijs, quibus affines morbi dignosci solent, deprehendi posse autumo: pulsus enim paruus, rarus, tardus, adde si placet, & inæqualis, cum cordis angustia, tremore ac palpitatione, ac difficili respiratione; tum maxime si pulmonum morbus aliquis præcesserit, ægerque pituitam coaceruare solitus fuerit, non leuem eius rei suspicionem dabunt. Vt enim oppositi temperamenti ratione pituitosi humores in corde calido absque ista concretione moderatos pulsus efficiebant; sic coalescens iam pituita, atque contumaciorem obstructionem pariens, & ventricu-  
lorum



## De Cordis Polypo. 127

lorum cordis parietes contrahens & coarctans, arteriarum initium libere extendi ac pulsare non finit: unde pulsus talis reddatur oportet, qualem modo descripsi. Hæc vero indicia quæ sinistrum cordis ventriculum male affectum esse ostendunt, dextri affectionem fortasse non adeò perspicuè demonstrabunt; cum nonnumquam Polypus ibi repertus sit ubi pulsus violentis moribus celeribusque agitabatur. Verùm hæc prædixisse ad artis ostentationem potius, quàm ad ægri commodum pertinere videntur. Quæ sequuntur problemata aliquem præstabunt ysum; nam si breui temporis spatio Polypus gignitur, frustra de remedijs solliciti erimus, contra vero si diuturno. Pituitam igitur crassam ac viscidam in cordis sinibus concreescere posse breui temporis spatio haud inficior; ut enim misso sanguine paucas post horas in superficie vasculorum sanguis ipse coagulari animaduertitur, sic extincto calore in cordis sinibus moriente animali coire statim atque concreescere potest; at verò pedes cordis parietibus infigere, crustamque, aut membranam sibi comparare longioris temporis opus esse contendo. Crustam autem vel membranam qua Polypi integri consueverunt, facilius per febres acquirere illos probabile est, quàm absque febre. Calor enim cui siccitas adiuncta sit, incalcescente scilicet corde præ calore febrili potius quàm naturali, membranam fabricabit; neq; enim

par

par ratio esse debet de membranis, quibus fœtus in utero matris inuoluitur; quæ vi formatricis à naturali tantum calore perficiuntur; nullius enim hîc finis reperitur, in quem naturalis facultas conspiceret. Nulla vero arte concretam inde pituitam, ac suis propaginibus quasi pedibus cordis ventriculis, & inde prodeuntibus venis & arterijs affixam deturbari posse existimandum est; qua namque via egredi vel regredi posse conijcias lentam hanc concretamque visciditatem; cum vix per cœcos cordis anfractus ac per anastomoses vel crassiusculo sanguini detur exitus? atque interim sæuissima accidentia sic affectos corripiant; ut in propinquo mors adesse videatur? Ibi igitur detenta calorem natium & influentem, cuius fons & scaturigo cor est, labefactare sensim, ac modò longa dierum serie modo breui tempore extinguere poterit; ut ex antea allatis obseruationibus conijcere licet. Sub Polypi vero forma non diu ibi consistere posse putandum est viuentis homine; sed exiccata ut minus spatij occupet, ac minus putredini reddatur obnoxia; etiam yltra bimatum (quod vitæ spatium Polypo pisces, si Plinio credas, præscriptum fuit) ibi poterit immorari. Optabile itaque esset, ut id cordis Polypo tunc accideret, quod de Polypo pisce, licet falsò à nonnullis scribitur, quod scilicet brachia sua rodere aduentante hyeme consueuerit; vel quod ipsi Polypi faciunt, inuicem sibi  
ipsis

## De Cordis Polypo. 129

ipsis esca fierent. Obiisse verò agrotos per hanc Autumni constitutionem non ex Polypo tantum arbitror; sed ex maligna febre, cui putrescentes Polypi malignum quid addere visi sunt, ipsius cordis robur putri halitu dissoluentes, ut putredinem in posterum vincere nequiverit. Cum itaq; morbo iam facto nulla salutis spes affulgeat, sola superest præservandi ratio; qua caueri potest ne sanguis gignatur impurus, pituitosus ac melancholicus. Detergentibus præterea atq; incidentibus medicamentis quàm primùm morbo obuiam ire opportunum fuerit; quæ non aliter ac Congri vel Paguri antequam in Polypum abeat, viscidam hanc pituitam liguriant vel exterminent. Quare mirari subit illorum stupiditatem, qui consuetas horrent expurgationes; eò dementiæ aut potius inscitæ adducti, ut vereantur ne pravi humores in corpore contenti exagitentur ac morbos pariant; nescientes prauos humores in corporibus aliquando per totam Æstatem, itemque Autumnum, vel etiam Hyemem delitescere, ac in dies deteriorem naturam induere; vnde plerumque morbi populares, quidubio procul opportunis præsidijs præcaueri poterant, in humanam scenam, ut cum Chymicis loquar, statutis temporibus prodeant. Coronidis loco disquirere cogitabam, cur per hanc Autumni constitutionem præsentis anni 1648. adeò frequenter Polypi isti

in

in corde inuenti sint; vt ex quindecim qui ex maligna febre interierunt, diligentissimè hucusque dissectis, duodecim cordis Polypo laborasse deprehensi sint; cum alioquin rara sit affectio, & à paucis hætenus animaduersa: ac denique vnde nam pedes illi vel appendices enascantur, quibus intra venas, & arterias Polypi se se insinuant. Verùm vt ad primum accedam, cum Galenus 3. de præfag. ex puls. cap. 3. obiter huius euentus causam attigerit, ac in quibusdam constitutionibus per quas malignæ febres vagantur, crassos ac pituitosos humores in cordis ventriculis reperiri scribat; superuacaneum duxi hac de re longiorem instituere narrationem; ac præsertim cum ad te scribam, quem in Galeni lectione versatissimum esse scio: placet verò eius verba referre, ne si fortè in aliorum manus epistola peruenerit, fucum legentibus facere voluisse videar. Nonnumquam, inquit, percipitur in corde pugnantia temperamentorum; nam modo frigidius visceris corpus æquo est, & in ventriculis contenta substantia calidior, modò è diuerso substantia frigidior cor autem calidius, vbi etiam pulsus sunt moderatis similes, nam medius quodammodo status sic efficitur ex duobus contrarijs constatus; qui sanè affectus vel optimos Medicos fallit, quod nunc quoque in maxima pestilentia accidit. Hæc Galenus. Ex quibus manifestè deduci potest non solum quæ sit huius Polypi materialis & efficiens causa, & quo tempore præsertim

## De Cordis Polypo. 131

præsertim Polypifiant; sed etiam, quod postremo loco mihi explorandum proposueram. Inde euincitur appendices illas non esse extenti Polypi pedes; etenim cum pituitosus humor aliquando non minus in cordis sinibus, quàm in proximis valis detineatur, ibique calore quantumvis valido concoqui ac dissipari nequeat; vno eodemq; tempore quo Polypus in corde gignitur, in valis cordi proximis pro ratione latitudinis vel angustiae illorum vasorum in eam Polypiformem figuram concrefcit; vt eiusdem Polypi quasi pedes vel potius ostreorum cirros exprimat, vel imitari videatur. Huc facit historia quam Adrianus Spigelius libro 2. de febre semitertiana ex Elideo sic refert. *Elideus de Paduanis insignis præsentis sæculo Prælicus in Nosocomio Bononiensi cadauera secuit mortui à diuturna quartana; in huius corde, venis, omnibusq; membris inuenta sunt frustra magna, longa, alba, pituitosa.* Sed de Polypo iam satis; nam vereor ne sicut Polypi comesti, quod Hippocrates affirmat, oculos grauant; sic epistolæ huius prolixitas tuis oculis alioquin oculatissimis caliginem offundat; ac me Polyposum potius quàm nasutum cum Martiali in posterum voces. Hucusque scripseram cum ad nostras manus Nicolai Tulpij Amstelredamensis Medici (quem Ioannes Antonides Vanderlinden in præfatione ad humani corporis fabricam Spigelij, magnum Virum, grauissimum, felicissimum, facun-

## 132 Epistola De Cordis Polypo.

facundissimumque vocat ) obseruationes nuper-  
rimè excusæ peruenere; in quibus non solum Poly-  
pi cordis meminit, sed illius iconem pictura quoq;  
diligentissimè expressit; Meminit quoque Fabri-  
tius Bartolettus de difficili respiratione; vt quæ  
nos sub hac morbosa constitutione obseruauimus,  
alios etiam sub alijs temporibus vidisse atq; obser-  
uasse mirum non sit. Vale.

L A V S D E O.











